

周

禮

三



周禮卷第九

秋官司寇第六

周禮

鄭氏注

惟王建國辨方正位體國經野設官分職以為民極乃立秋官司

寇使帥其屬而掌邦禁以佐王刑邦國禁所以防姦者也刑正人之法孝經說曰刑者例也過出罪施刑官

之屬大司寇卿一人小司寇中大夫二人士師下大夫四人鄉士上士八

人中士十有六人旅下士三十有二人士察也主察獄訟之事者鄭司農說以論語曰柳下惠為士師鄉士主六鄉之獄

府六人史十有二人胥十有二人徒百有二十人

遂士中士十有二人府六人史十有二人胥十有二人徒百有二十人遂士主六遂之獄者

縣士中士三十有二人府八人史十有六人胥十有六人徒百有六人距王城三百里

至四百里曰縣縣士主縣之獄者

方士中士十有六人府八人史十有六人胥十有六人徒百有六人方士主四方都家之獄者

訝士中士八人府四人史八人胥八人徒八十人訝迎也士官之迎四方賓客

朝士中士六人府三人史六人胥六人徒六十人朝士主外朝之法

司民中士六人府三人史六人胥三人徒三十人司民主民數

司刑中士三人府一人史二人徒四人刺殺也三訊罪定則殺之

司約下士三人府一人史二人徒四人約言語之約束

司盟下士三人府一人史二人徒四人盟以約辭告神殺牲歃血明著其信也曲禮曰牲曰盟

職金上士二人下士四人府二人史四人胥八人徒八十人職主也

司厲下士三人史一人徒十有二人犯政為惡曰厲厲士主盜賊之兵器及其奴者

犬人下士二人府一人史二人賈四人徒十有六人

司圜中士六人下士十有二人府三人史六人胥十有六人徒百有六人

鄭司農云圜謂園土也園土謂獄城也今獄城園司圜職中言凡園土之刑人也以此知園謂園土也又大司寇職曰以園土聚教罷民故司圜職曰掌收教罷民

掌囚下士十有二人府六人史十有二人徒百有二十人囚拘也主拘繫當刑殺之者

掌戮下士二人史一人徒十有二人戮猶辱也既斬殺又辱之

司隸中士二人下士十有二人府五人史十人胥二十人徒二百人隸給勞辱



之役者漢始置司隸亦使將徒治道溝
渠之役後稍尊之使主官府及近郡

罪隸百有二十人盜賊之家為奴者

蠻隸百有二十人征南夷所獲

閩隸百有二十人閩南蠻之別

夷隸百有二十人征東夷所獲

貉隸百有二十人征東北夷所獲凡隸眾矣此其選以為役負其餘謂之隸民

布憲中士二人下士四人府二人史四人胥四人徒四十人憲表也主表刑禁者

禁殺戮下士二人史一人徒十有二人禁殺戮者禁民不得相殺戮

禁暴氏下士六人史三人胥六人徒六十人盧賓客行道所舍

野廬氏下士六人胥十有二人徒百有二十人廬賓客行道所舍

蜡氏下士四人徒四十人蜡膏肉腐臭蠅蟲所蜡也月令曰掩骼埋骹此官之職也蜡讀如狙司之狙

雍氏下士二人徒八人雍謂隄防止水者也

萍氏下士二人徒八人鄭司農云萍讀為餅或為萍號起雨之萍玄謂今天問萍號作萍爾雅曰萍萍其大者蘋讀如小子言平之平萍氏主水禁萍

之草無根而浮取名於其不沉溺

司寤氏下士二人徒八人寤覺也主夜覺者

司烜氏下士六人徒十有二人烜火也讀如衛侯燬之燬故書烜為垣鄭司農云當為烜

條狼氏下士六人胥六人徒六十人杜子春云條當為滌器之滌玄謂滌除也狼狼扈道上

脩閭氏下士二人史一人徒十有二人閭謂門

冥氏下士二人徒八人鄭司農云冥讀為冥氏春秋之冥玄謂冥方之冥以繩縻取禽獸之名

庶氏下士一人徒四人庶讀如藥煮之煮驅除毒蟲之言書不作盡者字從聲

穴氏下士一人徒四人穴搏執獸所藏者

翼氏下士二人徒八人翼為翮也鄭司農云翼讀為翅翼之翅

柝氏下士八人徒二十人柝除木之名除木者必先校剝之鄭司農云柝讀為音聲啗昔之啗屋桀之桀

薙氏下士二人徒二十人書薙或作夷鄭司農云掌殺草故春秋傳曰如農夫之務云草薙夷蘊崇之又今俗間謂麥下為夷下言夷其麥以其下

種禾豆也玄謂薙讀如髻小兒頭之髻書或作夷此皆翦草也字從類耳月令曰燒薙行水非謂燒所芟草乃水之

哲族氏下士一人徒二人鄭司農云哲讀為擗族讀為爵族之族謂巢也玄謂哲古字從石折聲

剪髮氏下士二人徒二人剪髮斷滅之言也王除蟲蠹者詩云實始剪商

赤友氏下士二人徒二人赤友猶言抹拔也主除蟲豸自埋者

蠲氏下士一人徒二人鄭司農云蠲讀為蠲蠲蠲也月令曰蟪蠲鳴故曰掌去蠲龜書龜蠲蠲屬書或為蠲去蠲蠲立謂蠲今御所食蛙也字從蠲國聲也蠲短狐與

壺涿氏下士一人徒二人壺謂瓦散涿散之也故書涿為獨鄭司農云獨讀為濁其源之濁音與涿相近書亦或為濁

庭氏下士一人徒二人庭氏王射妖鳥令國中絮清如庭者也

銜枚氏下士二人徒八人銜枚止言語踴躍也枚狀如箸橫銜之為之縷結於項

伊耆氏下士一人徒二人伊耆古王者號始為蜡以息老物此主王者之齒杖後王識伊耆氏之舊德而以名官與今姓有伊耆氏

大行人中大夫二人

小行人下大夫四人

司儀上士八人中士十有六人

行夫下士三十有二人府四人史八人胥八人徒八十人行夫主國使之禮

環人中士四人史四人胥四人徒四十人環猶圍也主圍賓客任器為之守衛

象胥每翟上士二人中士二人下士八人徒二十人通夷狄之言者曰象胥其有才知者也此類之本名

東方曰寄南方曰象西方曰狄鞮北方曰譯今摠名曰象者周之德先致南方也

掌客上士二人下士四人府一人史二人胥二人徒二十人

掌訝中士八人府二人史四人胥四人徒四十人訝迎也賓客來王迎之鄭司農云訝讀為跋者訝跋者之訝

掌交中士八人府二人史四人徒三十有二人主交通結諸侯之好

掌察四方中士八人史四人徒十有六人

掌貨賄下士十有六人史四人徒三十有二人

朝大夫每國上士二人下士四人府一人史二人庶子八人徒二十人

此王之士也使主都家之國治而命之朝大夫云

都則中士一人下士二人府一人史二人庶子四人徒八十人都則主都家之八則者也

當言每都如朝大夫及都司馬云

都士中士三人下士四人府二人史四人胥四人徒四十人

家士亦如之都家之士主治都家吏民之獄訟以告方士者也亦當言每都

大司寇之職掌建邦之三典以佐王刑邦國詰四方典法也詰謹也書曰王旌荒度作詳刑以詰四

方一曰刑新國用輕典新國者新辟地立君之國用二曰刑平國用中典平國

守成之國也用中典者常行之法三曰刑亂國用重典亂國者弑叛逆之國用重典者以其化惡伐滅之以五刑糾萬

民刑亦法也糾猶察異之一曰野刑上功糾力功農功力勤力二曰軍刑上命糾守命將命也守不失部伍

三曰鄉刑上德糾孝德六德也善父母為孝四曰官刑上能糾職職能其事也五曰

國刑上愿糾暴愿慤慎也暴當為恭字之誤也以圜土聚教罷民圜土獄城也聚罷民其中

懲作勞有似於罷凡害人者寘之圜土而施職事焉以明刑恥之害人謂為邪惡已刑過失麗於法者以其

不故犯法寘圜土繫教之其困悔而能改也寘寘也施職事以所能役使之明刑書其罪惡於大方版著其背其能改者反于中國不齒

三年反于中國謂舍之還於故鄉里也司圜職曰上罪三年而舍中罪二年而舍下罪一年而舍不齒者不得以年次列於平民其不能改而出

圜土者殺出謂逃亡以兩造禁民訟入束矢於朝然後聽之訟謂以財貨相訟者兩至既兩至使入束矢乃治之也不至不入束矢則是自服不直者以兩劑禁民

獄入鈞金三日乃致于朝然後聽之獄謂相告以罪名者齎今券書也使獄者各重刑也不券書不入金則是亦自服不直者以嘉石平罷罷民嘉石文石也對之外朝門左平成也成之使善凡

萬民之有罪過而未麗於灋而害於州里者桎梏而坐諸嘉石

役諸司空重罪旬有三日坐其脊後其次九日坐九月役其次七日坐

七月役其次五日坐五月役其次下罪三日坐三月役使州里任之則

宥而舍之有罪過謂邪惡之人所罪過者也麗附也未附於法未著於法也木在足曰桎在手曰梏役諸司空坐口訖使給百工之役也役月訖使其州里之人任

之乃赦之宥寬也以肺石達窮民肺石亦石也窮民天民之窮而無告者凡遠近惇獨老幼之欲有復

於上而其長弗達者立於肺石三日士聽其辭以告於上而罪其

長無兄弟曰惇無子孫曰獨復猶報也上謂王與六卿也正月之吉始和布刑于

邦國都鄙乃縣刑象之灋于象魏使萬民觀刑象挾日而斂之正月朔日布刑

刑於天下正歲又縣其書重之凡邦之大盟約涖其盟書而登之于天府涖臨也天府祖廟之藏大史

內史司會及六官皆受其貳而藏之六官六卿之官也貳副也凡諸侯之獄訟以邦典定

之邦典六典也以六典待邦國之治凡卿大夫之獄訟以邦灋斷之邦法八法也以八法待官府之治凡庶民之

獄訟以邦成弊之邦成八成也以官成待萬民之治故書弊為懲鄭司農云懲當為弊

大祭祀奉犬牲奉猶進也若禋祀五帝則戒之曰涖誓百官戒于百姓戒之

之日也百族謂府史以下也郊特牲曰卜之日王立于澤親聽誓及納亨前王祭之

命受教諫之義也獻命庫門之內戒百官也大廟之內戒百姓也

日亦如之致性奉其明水火明水火所取凡朝覲會同前王大喪亦如之喪

所前或大軍旅泣戮于社社謂社主在軍者也鄭司農說以凡邦之大事使其

屬蹕屬士師以下也故書蹕作避杜子春云避當為辟謂辟除姦人也立謂蹕止行也

小司寇之職掌外朝之政以致萬民而詢焉一曰詢國危二曰詢國

遷三曰詢立君外朝朝在雉門之外者也國危謂有兵寇之難國遷謂徙都改邑也立

君謂無冢適選於庶也鄭司農云致萬民聚萬民也詢謀也詩曰詢于

謀擯謂擯之使前也敘更以五刑聽萬民之獄訟附于刑用情訊之至于

旬乃弊之讀書則用灋附猶著也故書附作付訊言也用情理言之與有可以出

凡命夫命婦不躬坐獄訟躬身也躬身者必

族有罪不即市鄭司農云刑諸甸師氏禮記曰以五聲聽獄訟求民情一曰

辭聽觀其出言二曰色聽觀其顏色三曰氣聽觀其氣息四曰耳聽觀其聽

五曰目聽觀其眸子視以八辟麗邦灋附刑罰辟法也杜子春讀麗為羅立

一曰議親之辟鄭司農云若今時宗二曰議故之辟故謂舊知也鄭司

三曰議賢之辟鄭司農云若今時廉吏有罪四曰議能之辟能謂有道德者

五曰議功之辟謂有大勳六曰

議貴之辟鄭司農云若今時吏七曰議勤之辟謂惟悴八曰議賓之辟謂

三曰訊萬民刺殺也三訊罪定聽民之所刺宥以施上服下服之刑宥寬

及大比登民數自生齒以上登于天府大比三年大數

內史司會冢宰貳之以制國用知國用乃可制耳小祭

祀奉犬牲奉猶凡禋祀五帝實鑊水納亨亦如之納亨致牲也其時鑊

客前王而辟鄭司農云小司寇為王道辟除姦人后世子之喪亦如之小師泣

凡國之大事使其屬蹕屬士師子受祀司民獻民數於王

王拜受之以圖國用而進退之司民是名謂軒轅角也小司寇於祀司民而獻

民數於王重民也進退猶損益也國用民衆則

王拜受之以圖國用而進退之

益民實則損 歲終則令群士計獄弊訟登中于天府其所斷獄訟之數正歲帥其屬

而觀刑象令以木鐸曰不用灋者國有常刑令群士羣士遂乃宣

布于四方憲刑禁宜備也憲表也謂縣之乃命其屬入會乃致事得其屬之計乃

士師之職掌國之五禁之灋以左右刑罰一曰宮禁二曰官禁三曰國

禁四曰野禁五曰軍禁皆以木鐸徇之于朝書而縣于門閭左右助也

禁四曰野禁五曰軍禁皆以木鐸徇之于朝書而縣于門閭左右助也

先後刑罰毋使罪麗于民一曰誓用之于軍旅二曰誥用之于會同

三曰禁用諸田役四曰糾用諸國中五曰憲用諸都鄙誓誥於書則甘

之什伍使之相安相受以比追胥之事以施刑罰慶賞鄉合鄉所合也

掌官中之政令大司寇之察獄訟之辭以詔司寇斷獄弊

訟致邦令詔司寇若今白聽正法解掌士之八成鄭司農云八成者行事一曰邦

一曰邦謀為異國二曰邦賊為逆三曰邦誅為異國四曰

犯邦令干冒王五曰擣邦令稱誅以六曰為邦盜竊取國之七曰為邦朋朋黨

八曰為邦誣誣罔君臣若邦凶荒則以荒辯之

法治之鄭司農云辯讀為風別之別救荒之政十有二而士師別受其數條是為荒別

令移民通財糾守緩刑移民就賤救困也通財補不

凡以財獄訟者正之以傳別約劑傳別中別手書也約劑各所持券也故書

若祭勝國之社稷則為之尸以刑官為尸略之

王燕出入則前驅而辟道王且祀五帝則沃尸及王盥洎鑊水洎謂

凡刳珥則奉犬牲珥讀為珥刳珥禮之事諸侯為賓則帥其屬而蹕

于王宮謂諸侯來朝大喪亦如之大師帥其屬而禁逆軍旅者與犯

師禁者而戮之逆軍旅反將命也歲終則令正定計要會簿正歲帥其

屬而憲禁令于國及郊野去國百里為郊

鄉士掌國中鄭司農云謂國中至百里郊也立謂其地則距王城百各掌其鄉之

民數而糾戒之鄉士八人言各者聽其獄訟察其辭察審辯其獄訟異

其死刑之罪而要之旬而職聽于朝辨異謂殊其文書也要之為其罪法之要辭如今劾矣十日乃以職事治之於

外朝容其自反覆司寇聽之斷其獄弊其訟于朝羣士司刑皆在各麗其

灋以議獄訟麗附也各附致其法以成議也獄訟成士師受中協日刑殺肆之三日受

謂受獄訟之成也鄭司農云士師受中若今二千石受其獄也中者刑罰之中也故論語曰刑罰不中則民無所措手足協日刑殺協合也和也和合支幹善曰若今時望後利日也肆

之二日故春秋傳曰三日棄疾請尸論語曰肆諸市朝立謂士師既受獄訟之成鄉士則擇可刑殺之日至其時而往也若欲免之則王

會其期免猶赦也期謂鄉士職聽于朝司寇聽之日王欲赦之則用此時親往議之大祭祀大喪紀大軍旅大賓客

則各掌其鄉之禁令帥其屬夾道而蹕屬中士以下三公若有邦事則

為之前驅而辟其喪亦如之鄭司農云鄉士為三公道也若今時三公出城郡督郵盜賊道也凡國有大事

則戮其犯命者

遂士掌四郊鄭司農云謂百里外至三百里也立謂其地則距王城百里以外至二百里言掌四郊者此王四郊獄也六遂之獄在四郊各掌其

遂之民數而糾其戒令遂士十二人言各者二人而分王一遂聽其獄訟察其辭辨其獄

訟異其死刑之罪而要之二旬而職聽于朝司寇聽之斷其獄

弊其訟于朝羣士司刑皆在各麗其灋以議獄訟獄訟成

士師受中協日就郊而刑殺各於其遂肆之三日就郊而刑殺者遂士也遂士擇

刑殺日至其時往也如鄉士為之矣言各於其遂者四郊六遂遂處不同若欲免之則王令三公會其期令猶

王欲赦之則用遂士職聽之時命三公往議之若邦有大事聚眾庶則各掌其遂之禁令帥

其屬而蹕大事王所親也六卿若有邦事則為之前驅而辟其喪亦如之

凡邦有大事則戮其犯命者

縣士掌野鄭司農云掌三百里至四百里大夫所食晉韓渙為公族大夫食縣立謂地距王城二百里以外至三百里曰野三百里以外至四百里曰縣四百里以

外至五百里曰都都縣野之地其邑非王子弟公卿大夫之采地則皆公邑也謂之縣縣士掌其獄焉言掌野者郊外曰野大摠言之也獄居近野之縣獄在二百里上縣之縣獄在三

百里上都之縣獄在四百里上各掌其縣之民數糾其戒令而聽其獄訟察其辭辨

其獄訟異其死刑之罪而要之三旬而職聽于朝司寇聽之斷

其獄弊其訟于朝羣士司刑皆在各麗其灋以議獄訟獄訟成

受中協日刑殺各就其縣肆之三日刑殺各就其縣者亦謂縣士若欲免之則王

命六卿會其期期亦謂縣士職聽之時若邦有大役聚眾庶則各掌其縣之禁

令若大夫有邦事則為之前驅而辟其喪亦如之凡野有大事則戮

其犯命者野距王城二百里以外及縣都

方士掌都家鄭司農云掌四百里至五百里公所食魯季氏食於都立謂都王子弟及公卿之采地大夫之采地大都在置地小都在縣地家邑在稍地不言

聽其獄訟之辭辨其死刑之罪而要之三月而上獄訟于

國三月乃上冢者又變朝司寇聽其成于朝群士司刑皆在各麗其

灋以議獄訟成平也鄭司農說以春秋傳曰晉刑侯與雍子爭鄙田久而無成獄訟成士師受中書其刑殺

之成與其聽獄訟者都家之吏自協曰刑殺但書其成與治獄之吏姓名備反覆有失實者凡都家之大事

聚眾庶則各掌其方之禁令方士十六人言各掌其方者四人而王一事動眾則為班禁令焉以時脩

其縣灋若歲終則省之而誅賞焉縣法縣師之職也其職掌邦國都鄙稍甸郊野之地域而辨其夫家人民田萊

凡都家之士所上治則主之都家之士

訝士掌四方之獄訟鄭司農云四方諸侯之獄訟諭罪刑于邦國告曉以麗罪及制刑之本意凡四

方之有治於士者造焉謂讞疑辨事先來詰乃通之於士也士王謂士師也如今郡國亦時遣主者吏詰廷尉議者四方有

亂獄則往而成之亂獄謂若君臣宜濶上下相虐者也往而成之猶呂步舒使治淮南獄邦有賓客則與行人

送逆之入於國則為之前驅而辟野亦如之居館則帥其屬而為

之蹕誅戮暴客者客出入則道之有治則替之送逆謂始來及去也出入謂朝覲於王時也春

朝士掌建邦外朝之灋左九棘孤卿大夫位焉羣士在其後右

九棘公侯伯子男位焉群吏在其後面三槐三公位焉州長眾庶

在其後左嘉石平罷民焉右肺石達窮民焉樹棘以為位者取其赤心而外刺象以赤心三刺也

槐之言懷也懷來人於此欲與之謀羣吏謂府史也州長鄉遂之官鄭司農云王有五門外

曰臯門二曰雉門三曰庫門四曰應門五曰路門路門一曰臯門外朝在路門外內朝在路

門內左九棘右九棘故易曰係用徽纆寘于叢棘立謂明堂位說魯公宮曰庫門天子臯門

雉門天子應門言魯用天子之禮所名曰庫門者如天子臯門所名曰雉門者如天子應門

此名制二無四則魯無臯門應門矣檀弓曰魯莊公之喪既葬而經不入庫門言其除喪而

反由外來是庫門在雉門外必矣如是王五門雉門為中門雉門設兩觀與今之宮門同闕

人幾出入者窮民蓋不得入也郊特牲譏繹於庫門內言遠當於廟門廟在庫門之內見於

此矣小宗伯職曰建國之神位右社稷左宗廟然則外朝在庫門之外臯門之內

與今司徒府有天子以下大會殿亦古之外朝哉周天子諸侯帥其屬而以鞭呼

趨且辟趨朝辟行人執鞭以威之禁慢朝錯立族談者慢朝謂臨朝不肅敬也錯立族談違其位傳語也凡得獲

貨賄人民六畜者委于朝告于士旬而舉之大者公之小者庶民

私之俘而取之曰獲委於朝十日待來識之者人民謂刑人奴隸逃亡者司隸職曰帥其民而搏盜賊鄭司農云若今時得遺物及放失六畜特詣鄉亭縣廷大者公之大物沒入公家也小者私之小物自界也凡士之治有期日國中一旬郊二旬野三

旬都三月邦國其期內之治聽期外不聽鄭司農云謂在期內者聽期外者不聽若今時徒論決滿三月不得凡有責責者有判書以治則聽判半分而合者故書判為辨鄭司農云謂若今時

古者出責之息亦責國服與凡民同債財者令以國灋行之犯令者刑罰之鄭司農云謂合

錢共賈者也以國法行之司市為節以遺之之謂同貨財者富人畜積者多時收之之時以國服之法出之雖有騰躍其贏不得過此以利出者與取者過此則罰之若今

息坐凡屬責責者以其地傳而聽其辭鄭司農云謂訟地畔界者田地畔畔相

其比畔為證也立謂屬責責使人歸之而本主死亡歸受之凡盜賊軍及家

數相抵冒者也以其地之人相比近能為證者來乃受其罪凡報

人殺之無罪鄭司農云謂盜賊羣輩若軍共攻盜鄉邑及家人者殺之無罪仇讎者書於士殺之無罪謂同國不相畔者將

故則令邦國都家縣鄙慮刑貶故書慮為憲貶為宓杜子春云宓為禁憲

圖謀緩刑且減國用為民困也所貶視時為多少之法

司民掌登萬民之數自生齒以上皆書於版辨其國中與其都

鄙及其郊野異其男女歲登下其死生登上也男八月女七月而生齒版

去及三年大比以萬民之數詔司寇司寇及子受祀司民之曰獻

其數于王王拜受之登于天府內史司會冢宰貳之以贊王治鄭司農云文昌官三能屬軒轅角相與為體近文昌為司命次司中次司祿次司民立謂司

民軒轅用也天府王祖廟之藏者贊佐也三官以貳佐王治者當以民多少黜陟王民之吏

五百刑罪五百殺罪五百墨黥也先刻其面以墨室之劓截其鼻也今東西夷或

其勢女子閉於宮中若今官男女也刑斷足也周改贖作刑殺死刑也書傳曰史關梁踰城

鄭而略盜者其刑贖男女不以義交者其刑官觸易君命革重服制度茲軌盜擄傷人者其

刑劓非事而事之出入不以道義而誦不詳之辭者其刑墨降辟冠賊劫略奪擄擄處者其

刑死此二千五百罪之目略也其刑書則亡夏刑大辟二百贖辟三百官辟五百劓墨各千

周則變焉所謂刑罰世輕世重者也若司寇斷獄弊訟則以五刑之灋詔刑

鄭司農云漢孝文帝十三年除肉刑詔刑罰者處其所應不

罰而以辨罪之輕重如今律家所累有法矣

司刺掌三刺三宥三赦之灋以贊司寇聽獄訟刺殺也訊而有罪則壹

刺曰訊羣臣再刺曰訊羣吏三刺曰訊萬民訊壹宥宥曰不識再

宥曰過失三宥曰遺忘鄭司農云不識謂愚民無所識則宥之過失若今律過失

殺人不坐死立謂識審也不審若今仇讎當報甲見乙誡

殺人不坐死立謂識審也不審若今仇讎當報甲見乙誡

殺人不坐死立謂識審也不審若今仇讎當報甲見乙誡

以為甲而殺之者過失若舉刃欲斫伐而軼中人壹赦曰幼弱再赦曰老旄三

救曰蠢愚蠢愚生而癡騃童昏者鄭司農云幼弱老旄若今以此三灋者求民

情斷民中而施上服下服之罪然後刑殺上服殺與墨劓下服官刑也司約

先規識所刑之處乃後行之

司約掌邦國及萬民之約齊治神之約為上治民之約次之治

地之約次之治功之約次之治器之約次之治執之約次之治

至於民皆有焉劑謂券書也治者理其相抵冒上下之差也神約謂命祀郊社羣望及所祖

宗也奠子不祀祝融楚一戎之民約謂征稅遷移仇讎既和若懷宗九姓在晉勝民六族七

爵所及也器約謂禮樂吉凶車服所得用也擊約謂玉帛禽鳥相與往來也凡大約劑

書於宗籒小約劑書於丹圖大約劑邦國約也書於宗廟之六彝欲神監焉小

圖象者與春秋傳曰斐豹隸也著於丹書今俗語有鐵券丹書豈此舊典之遺言若有訟者則珥而辟藏其不信者服

墨刑鄭司農云謂有爭訟罪罰刑書謬誤不正者為之開藏取本刑書以正之當開時先

謂殺雞取血盟其戶若大亂則六官辟藏其不信者殺大亂謂僭約若吳楚之君晉文公

六官初受盟約之貳

司盟掌盟載之灋載盟辭也盟者書其辭於策殺牲取血坎其牲加書於上而埋

瘞與楚凡邦國有疑會同則掌其盟約之載及其禮儀北面詔明

神既盟則貳之有疑不協也明神神之明察者謂日月山川也覲禮加方明于壇上

盟萬民之犯命者詛其不信者亦如之盟詛者欲相與共惡之也犯命犯君

紇犯門斬關以出乃盟藏氏又曰鄭伯凡民之有約劑者其貳在司盟檢其自

使卒出殺行出大雞以詛射穎考叔者有獄訟者則使之盟詛不信則不敢聽也

不信者必凶衆庶共其牲而致焉既盟則為司盟共祈酒脯使其邑閭出牲而來盟

職金掌凡金玉錫石丹青之戒令青空受其入征者辨其物之媿惡

與其數量楬而壘之入其金錫于為兵器之府入其玉石丹青于

守藏之府為兵器者攻金之工六也守藏者玉府內府也鄭司農云受其入征者謂主

者印也既揭書楬其數量又以印封入其要要凡數也入掌受士之金罰貨罰

入于司兵給治兵及工直也貨泉貝也旅于上帝則共其金版饗諸侯亦如

之餅金謂之版此凡國有大故而用金石則掌其令王其取之令也用金石者作檢雷推博之屬

司厲掌盜賊之任器貨賄辨其物皆有數量賈而揭之入于司

兵鄭司農云任器貨賄謂盜賊所用傷人兵器及所盜財物也其奴男子入于罪

隸女子入于春烹鄭司農云謂坐為盜賊而為奴者輸於罪隸春人烹人之官也由是觀之今之為奴婢古之罪人也故書曰予則奴戮女論語曰箕

子為之奴罪隸之奴也故春秋傳曰斐豹隸也著於丹書請焚丹書我殺督戎耻為奴欲焚其籍也玄謂奴從坐而沒入縣官者男女同名凡有爵者與

十者與未齒者皆不為奴有爵謂命士以上也齒毀齒也男八歲女七歲而毀齒

犬人掌犬牲凡祭祀共犬牲用牲物伏瘞亦如之鄭司農云牲純也物色也伏謂伏犬以王車轡

之瘞謂埋祭也爾雅曰祭地曰瘞埋凡幾珥沈辜用駝可也故書駝作龍鄭司農云幾讀為股爾雅曰以埋沈祭山川林澤以罷辜祭四方百物龍讀為駝謂

不純色也玄謂幾讀為刳珥當為蚺蚺者魯禮之事凡相犬牽犬者謂焉掌

其政治相謂視擇知其善惡

司圜掌收教罷民凡害人者弗使冠飾而加明刑焉任之以事而

收教之能改者上罪三年而舍中罪二年而舍下罪一年而舍其

不能改而出圜土者殺雖出三年不齒弗使冠飾者著黑幪若古之象刑與舍釋之也鄭司農云罷民謂惡

人不從化為百姓所惡苦而未入五刑者也故曰凡圜土之刑人也不虧體其罰

人也不虧財言其刑人但加以明刑罰人但任之以事耳鄭司農云以此知其為民所

州里者桎梏而坐諸嘉石役諸司空又曰以嘉石平罷民語曰罷士無伍

罷女無家言為惡無所容入也玄謂圜土所收教者過大害人已罷於法者

掌囚掌守盜賊凡囚者上罪桎梏中罪桎梏下罪桎梏王之同

族桎有爵者桎以待弊罪凡囚者謂非盜賊自以他罪拘者也鄭司農云桎者

桎在足曰桎中罪不桎手足各一木耳下罪又去桎及刑殺告刑于王奉而適

朝士加明桎以適市而刑殺之告刑于王告王以今日當行刑及所刑姓名也其

小辟表而適朝者重刑為王欲有所赦且當以付士鄉士也鄉士加明桎者謂書其姓名及

其罪於桎而著之也囚時雖有無桎者至於刑殺皆設之以適市就眾也庶姓無爵者皆刑

殺於市凡有爵者與王之同族奉而適甸師氏以待刑殺適甸師氏亦由

殺者掌戮將自市來也文王世子曰雖親不以犯有司正術也所以體異姓也刑于隱者不與國人慮兄弟也

掌戮掌斬殺賊謀而搏之斬以鐵鉞若今要斬也殺以刀刃若今乘市也謀謂盜

城上之膊字之誤凡殺其親者焚之殺王之親者辜之

也膊謂去衣磔之凡殺其人者踣諸市肆之三日刑盜于市

如乘如辜之言凡殺其人者踣諸市肆之三日刑盜于市

黃大凡罪之麗於灋者亦如之唯王之同族與有爵者殺之于甸師

氏罪二千五百條上附下附刑五而凡軍旅田役斬殺刑戮亦如之焚棄肆墨

者使守門於禁衛斬者使守降以貌醜速之官者使守內以其人道絕

刑者使守囹斷足驅衛禽長者使守積鄭司農云琬當作完謂但居作三年不

必王之同族不言者官之為罰其類髮頭而已守積積在隱者宜也

司隸掌五隸之灋辨其物而掌其政令五隸謂隸四翟之隸也物衣服兵器之屬帥其民

而搏盜賊役國中之辱事為百官積任器凡囚執人之事民五隸之民也鄭司農云

百官所當任持之器物此官也為積聚之也玄謂任猶用也邦有祭祀賓客喪紀之事則役其煩辱之

事煩猶劇也玄謂禮下篇曰隸人泥廁掌帥四翟之隸使之皆服其邦之服執其邦之兵

守王宮與野舍之厲禁野舍王行所止舍也厲禁也

罪隸掌役百官府與凡有守者掌使令之小事役給其小役凡封國若

家牛助為牽傍鄭司農云凡封國若家謂建諸侯大夫之家也牛助為牽傍此官主

旁曰其守王宮與其厲禁者如蠻隸之事王珠

蠻隸掌役校人養馬其在王宮者執其國之兵以守王宮在野

外則守厲禁

閩隸掌役畜養鳥而阜蕃教擾之掌子則取隸焉杜子春云子當為祀玄謂掌子

者王立世子置臣使掌其家事而以閩隸役之

夷隸掌役牧人養牛馬與鳥言鄭司農云鳥言之言故春秋傳曰金鳥言是生三犧皆用矣是

以絡隸職其守王宮者與其守厲禁者如蠻隸之事

貉隸掌役服不氏而養獸而教擾之掌與獸言不言阜蕃者猛獸不可服又不生乳於圈

也其守王宮者與其守厲禁者如蠻隸之事

周禮卷第九

經四千二百六十二字 注七千五百二十字

周禮卷第十

秋官司寇下

周禮

鄭氏注

布憲掌憲邦之刑禁正月之吉執旌節以宣布于四方而憲邦

之刑禁以詰四方邦國及其都鄙達于四海憲表也謂縣之也刑禁者國

寇正月布刑于天下正歲又縣其書于象魏布憲於司寇布刑則以旌節出宣令之於司寇

縣書則亦縣之于門閭及都鄙邦國刑者王政所重故屢丁寧焉詰謹也使四方謹行之爾

雅曰九夷八蠻六戎五狄謂之四海凡邦之大事合衆庶則以刑禁號令

禁殺戮掌司斬殺戮者凡傷人見血而不以告者攘獄者過訟者

以告而誅之司猶察也察此四者告於司寇罪之也斬殺戮謂吏民相斬相殺相戮者

欲訟者也立謂攘猶卻也卻獄者言不受也

禁暴氏掌禁庶民之亂暴力正者擄誣犯禁者作言語而不信

者以告而誅之民之好為侵陵誣詐謾誕此三者亦刑所禁也力正以力強得正也凡國聚衆庶則戮其犯

禁者以徇凡奚隸聚而出入者則司牧之戮其犯禁者奚隸女奴男奴也其聚出入有司使

野廬氏掌達國道路至于四畿達謂巡行通之使不昭絕也去王城五百里曰畿比國郊及野

之道路宿息并樹比猶校也宿息廬之屬賓客所宿及晝止者也并共飲食樹為蕃蔽若有賓客則令守涂

地之人聚標之有相翔者誅之守涂地之也道所出廬宿旁民也相翔猶昌翔也亦有姦人相翔於賓客之側凡道路之舟車擊車互者敘而行之舟車擊車互謂

則誅之不得令寇盜賓客凡有節者及有爵者至則為之辟辟辟行人亦

車有輶輳坻閣舟有砥柱之屬其過之者使以次敘之禁野之橫行徑踰者皆為防姦也橫行妄由田中徑踰則邪趨疾越隄隄也凡國之大事比脩除道路

者比校治道者名若掌凡道禁禁謂若今絕蒙大邦之大師則令掃道路

且以幾禁行作不時者不物者不時謂不夙則莫者也不物謂衣服操持非

蜡氏掌除鼬曲禮四足死者曰漬故書鼬作春鄭司農云春讀為瀆謂死人凡國之

大祭祀令州里除不蠲禁刑者任人及凶服者以及郊野大師大賓

客亦如之蠲讀口古圭惟饋之圭圭潔也刑者黜削之屬任人司園所收教若有死於

道路者則令埋而置楬焉書其日月焉縣其衣服任器于有地之

官以待其人有地之官主此地之吏也其人其家人也鄭司農云揭欲令其掌凡國

之黜禁禁謂孟春掩之屬識取之今時揭是也有地之官有部界之吏今時卿亭是也

雍氏掌溝瀆澮池之禁凡害於國稼者春令為阱獲溝瀆之利於

民者秋令塞阱杜獲溝瀆澮田間通水者也池謂陂障之水道也害於國稼謂水潦

澤之沈者為其就禽獸魚鼈自然之居而害之鄭司農云不得禁山之為苑

萍氏掌國之水禁水禁謂水中害人之處幾酒苛察沽買過謹酒使民節用酒

有政有事無夷酒禁川游者備波洋卒

司寤氏掌夜時夜時謂夜晚早以星分夜以詔夜士夜禁夜士王行夜儆

屬御晨行者禁宵行者夜遊者備其遭寇害及謀非公事禁亦禁也謂遏止

星虛春秋傳曰夜中星墜如雨

司烜氏掌以夫遂取明火於日以鑿取明水於月以共祭祀之明盥

明燭共明水夫遂陽遂也鑿鏡屬取水者出謂之方諸取日之火月之水欲得陰陽之

條條條條凡邦之大事共墳燭庭燎故書墳為贊鄭司農云贊燭麻燭也立謂墳大

明衆為中春以木鐸脩火禁于國中為季春將出火也火禁軍旅脩火禁

邦若屋誅則為明窳焉鄭司農云屋誅謂夷三族無親屬收葬者故為葬之也三

條狼氏掌執鞭以趨辟王出入則八人夾道公則六人侯伯則四人

子男則二人趨辟趨而辟行人若今卒辟車之為也孔子曰凡誓執鞭以趨於

前且命之誓僕右曰殺誓馭曰車轅誓大夫曰敢不關鞭五百誓

師曰三百誓邦之大史曰殺誓小史曰墨前謂所誓衆之行前也有司讀誓

謂出軍及將祭祀時也出軍之誓誓左右及馭則書之曰誓備矣郊特牲說祭祀之誓曰十

之日王立于澤親聽誓命受教諫之義也車轅謂車裂也師樂師也大史小史主禮事者鄭

謂大夫自受命以出則其餘事莫不復請

脩閭氏掌比國中宿互標者與其國粥而比其追胥者而賞罰之

城中也粥養也國所游養謂美卒也追逐寇也背讀為併故書互為巨鄭司

與以兵革趨行者與馳騁於國中者皆為其邦有故則令守其閭

互唯執節者不幾令者令其閭內之

冥氏掌設弧張弧張置弩之屬為阱獲以攻猛獸以靈鼓歐之靈鼓六面

所以為縮禽獸

故歐之使

鷲趨 若得其獸則獻其皮革齒須備鄭司農云須直謂下須備謂搔也

庶氏掌除毒蠱以攻說禴之嘉草攻之毒蠱蠱物而病害人者賊律曰敢蠱人及教令者并市攻說祈名祈其神

穴氏掌攻螫獸各以其物火之螫獸熊羆之屬冬藏者也將攻之必先燒其所食之物於穴外以誘出之乃可得之以時

獻其珍異皮革

翼氏掌攻猛鳥各以其物為媒而拊之猛鳥鷹隼之屬置其所食之物於絀中鳥來下則拊其脚以時

獻其羽翮

柞氏掌攻草木及林麓林人所養者山足曰麓夏日至今刊陽木而火之冬日

至今剝陰木而水之刊剝互言耳皆謂斫去次地之皮生山南為陽木生山北為陰木火之則使其肄不生若欲其化

也則春秋變其水火化猶生也謂時以種穀也變其水火者乃所火則水之所水則火之則其土和美凡攻木者掌其

政令除木有時

薙氏掌殺草春始生而萌之夏日至而夷之秋繩而芟之冬日至

而耜之故書萌作薨杜子春云莖當為萌謂耕反其萌牙書亦或為萌立謂萌之者以茲其所其生者夷之以鈎鎌迫地芟之也若今取莖矣含實曰繩芟其繩則實不成

若欲其化也則以水火繩之謂以火燒其所芟萌之草已而水之則其土亦和美矣月令季夏燒薙行水利以殺

草如以熱湯是其一時著之掌凡殺草之政令

柞氏掌覆天鳥之巢覆猶毀也天鳥惡鳴之鳥若鷓鴣以方書十日之號十有二辰

之號十有一月之號十有二歲之號二工有八星之號縣其巢上則

去之方版也日謂從甲至癸辰謂從子至亥月謂從源至茶歲謂從攝提格至赤奮若星謂從角至軫天鳥見此五者而去其詳未聞

前羽氏掌除蠹物以攻崇攻之以莽草熏之蠹物穿食人器物者蠹魚亦是也文崇祈名莽草藥物殺蠹者以熏之則死故書蠹為

赤女氏掌除牆屋以蜃炭攻之以灰洒毒母之蜃炭子春云蜃當為蠹類或熏以莽草則去

蝮氏掌去毒龜鼈焚牡鞠以灰洒之則死牡鞠鞠不華者齊魯之間謂龜為蝮

以其煙被之則凡水蟲無聲杜子春云假令風從東方來則於水東面為煙令煙西行被之水上

壺涿氏掌除水蟲以炮土之鼓毆之以焚石投之水蟲狐蟻之屬故書炮作

若欲殺其神則以牡槀午貫象齒而沈之則

葉之苞立謂燻之炮之炮炮土之故瓦鼓也焚石投之使驚去

其神死淵為陵神謂水神龍因象故書檉為梓午為五杜子春云梓當為檉檉讀為枯枯榆木名書或為檉又云五貫當為午貫

庭氏掌射國中之天鳥若不見其鳥獸則以救日之弓與救月之矢

夜射之不見鳥獸謂夜來鳴呼為怪者獸狐狼屬鄭司農云救日之弓救月之矢謂日月食所射也

若神也則以大陰之弓與枉矢射之神謂非鳥獸之聲告或叫于宋大廟語諸出出者大陰之弓救月之弓枉矢救日之

矢與不言救月之弓與救日之矢者互言之救日用枉矢則救月以直矢可知也

銜枚為其言語昏掌司察諸事為其語國之大祭祀令禁無頭祭者軍旅田役令

銜枚為其言語禁嗷呼歎鳴於國中者行歌哭於國中之道者為其感眾相軍

伊耆氏掌國之大祭祀共其杖咸咸讀為函老臣雖杖於朝事鬼神尚敬去之有司以此函藏之既事乃授之

旅授有爵者杖別吏率且以杖共王之齒杖王之所以賜老者之杖鄭司農云亦命之為王杖王謂王制曰五十杖於家六十杖於鄉七十杖於國八十杖於朝

大行人掌大賓之禮及大客之儀以親諸侯大賓要服以內諸侯大客謂其孤卿春朝諸侯

而圖天下之事秋覲以比邦國之功夏宗以陳天下之謨冬遇以協

諸侯之慮時會以發四方之禁殷同以施天下之政此六事者以王見諸侯為文圖比陳協皆

考績之言王者春見諸侯則圖其事之可否秋見諸侯則比其功之高下夏見諸侯則陳其謀之是非冬見諸侯則合其德之異同六服以其朝歲四時分來更迭如此而偏時會即時

見也無常期諸侯有不順服者王將有征討之事則既朝王命為壇於國外合諸侯而發禁命事焉禁謂九伐之法也

朝既朝王亦命為壇於國外合諸侯而命其政政謂邦國之九注殷同四方四時分來歲終可編矣九伐九法皆在司馬職司馬法曰春以禮朝諸侯圖同事夏以禮宗諸侯陳同謀秋以禮親諸侯比同功冬以禮過諸侯圖同慮時

國之慝此二事亦以王見諸侯之臣使來者為文也時聘者亦無常期天子有事諸侯使大夫來聘親以禮見之禮而遣之所以結其恩好也天子無事則已殷覲謂一

服朝之歲也慝猶惡也一服朝之歲五服諸侯皆使使以聘問問以諭諸侯之志

歸服以交諸侯之福賀慶以贊諸侯之喜致禮以補諸侯之裁此四者王

使臣於諸侯之禮也問問者問一問諸侯謂存省之屬論諸侯之志者論言語謝書名其類也交或往或來者也贊助也致禮凶禮之弔禮禮禮也補諸侯裁者若春秋澶淵之會謀財

歸來以九儀辨諸侯之命等諸臣之爵以同邦國之禮而待其實

客九儀謂命者五公侯伯子男也爵者四孤卿大夫士也上公之禮執珪圭九寸纁藉九寸冕服九

章建常九旒樊纓九就貳車九乘介九人禮九牢其朝位賓主之間

九十步立當車軼損者五人廟中將幣三享王禮再裸而酢鄉食

禮九獻食禮九舉出入五積三問三勞諸侯之禮執信圭七寸纁

禮九獻食禮九舉出入五積三問三勞諸侯之禮執信圭七寸纁

藉七寸冕服七章建常七旒樊纓七就貳車七乘介七人禮七牢
朝位賓主之間七十步立當前疾擯者四人廟中將幣三享王禮
壹裸而酢饗食禮七獻食禮七舉出入四積再問再勞諸伯執躬圭
其他皆如諸侯之禮諸子執穀璧五寸纁藉五寸冕服五章建常
五旒樊纓五就貳車五乘介五人禮五牢朝位賓主之間五十步
立當車衡擯者三人廟中將幣三享王禮壹裸不酢饗食禮五獻
食禮五舉出入三積壹問壹勞諸男執蒲璧其他皆如諸子之禮

纁藉以五采韋衣板若奠玉則以藉之冕服著冕所服之衣也九章者自山龍以下七章者自華蟲以下五章者自宗彝以下也常旌旗也旒其屬修垂者也樊纓馬飾也以屬飾之每處五采備為一就就成也貳副也介輔已行禮者也禮大禮饗食餼也三牲備為一牢朝位謂大門外賓下車及王車出迎所立處也王始立大門內交擯三辭乃乘車而迎之齊僕為賓也問問不恙也勞謂苦倦之也皆有禮以幣致之故書裸作果鄭司農云車軼也三享謂馮車轅前胡下垂柱地者立謂三享皆束帛加璧庭實惟國所有朝士儀曰奉國地所出重幣獻之明臣職也朝先享不言朝者朝正禮不嫌有等也王禮王以饗禮禮實也禮人職曰八祭祀賓客之裸事和鬱鬯以實彝而陳之禮者使宗伯攝酌圭瓚而裸王既拜送爵又攝酌璋瓚而裸后之并送爵是謂再裸再裸實乃酢王也禮侯伯一裸而酢者裸實實酢王而已后不裸也禮子男一裸不酢者裸實而已不酢王也不酢之禮聘禮禮實是與九舉舉牲體九飯也出入謂從來訖去也再積有牢禮米禾芻薪凡數不同者皆降殺凡大國之孤執皮帛以繼小國之君

出入三積不問壹勞朝位當車前不交擯廟中無相以酒禮之
其他皆眡小國之君此以君命來聘者也孤尊既聘享更自以其贄見執束帛而已前不交擯者不使介傳辭交于王之擯親自對擯者也廟中無相介皆入門西上而立不前相禮者聘之介是與以酒禮之酒謂齊酒也和之不用鬯也耳其他謂貳車及介牢禮實主裸酢饗食之數凡諸侯之卿其禮各下其君二等以下及其大夫士皆如
此亦以君命來聘者也所下其君者介與朝位賓主之間也其餘則自以其爵聘義曰上之公七介侯伯五介子男三介是謂使卿之聘之數也朝位則上公七十步侯伯五十步子男三十步與邦畿方千里其外方五百里謂之侯服歲壹見其貢祀物又

其外方五百里謂之甸服二歲壹見其貢嬪物又其外方五百里
謂之男服三歲壹見其貢器物又其外方五百里謂之采服四歲
壹見其貢服物又其外方五百里謂之衛服五歲壹見其貢材物
又其外方五百里謂之要服六歲壹見其貢貨物

要服蠻服也此六服去王城三千五百里相距方七千里公侯伯子男封焉其朝貢之歲四方各四分趨四時而來或朝春或宗夏或觀秋或遇冬祀貢者犧牲之屬故書嬪作頻鄭司農云嬪物婦人所為物也嬪惟曰嬪婦也玄纁緜纁也材物八材也貨物龜貝也九州之外謂之蕃國世壹見各以其

所貴寶為執

九州之外夷服鎮服蕃服也曲禮曰其在東夷北狄西戎南蠻雖大曰

朝貢之歲父死子立及嗣王即位乃一來耳各以其所貴寶為執則蕃國之若無執玉瑞者是以謂其君為小賓臣為小客所貴寶見傳者若犬戎獻白狼白鹿是也其餘則周書王會

備焉王之所以撫邦國諸侯者歲徧存三歲徧規五歲徧省七歲屬

象宵諭言語協辭命九歲屬鼓史諭書名聽聲音十有一歲達

瑞節同度量成牢禮同數器脩灑則十有一歲王巡守殷國

撫猶存規省者王使臣於諸侯之禮所謂問問也歲者巡守之明歲以為始也屬猶聚也自五歲

之後遂間歲徧省也七歲省而召其象宵九歲省而召其鼓史皆聚於天子之宮教習之也

故書協辭命作叶詞命鄭司農云象宵譯官也叶當為計詞當為辭書或為叶辭命玄謂宵

讀為誦王制曰五方之民言語不通者然不同達其志通其德東方曰寄南方曰象西方曰

狄靚北方曰譯此官正為象者周始有越語譯而來故是因通言語之官為象宵云謂謂象

之有才知者也辭命六辭之命也鼓樂師也史大史小史也書名書之字也古曰名聘禮曰

百名以上至十一歲又徧省焉度丈尺也量豆區釜也數器銓衡也法八法也則八則也達

同成脩皆謂齋其法式行至則齊等之也成平也平其僭踰者也王巡守諸侯會者各以其

時之方書曰遂觀東后是也其凡諸侯之王真辨其位正其等協其禮實

而見之王事以王之事來也詩云莫敢不來王孟子曰諸侯有王若有大喪則詔相諸侯之禮

教告之也若有四方之大事則受其幣聽其辭四方之大事謂國有兵寇諸侯來告急

以其事入告王也聘禮曰凡諸侯之邦交歲相問也殷相聘也世相朝也

若有言則以束帛如享禮凡諸侯之邦交歲相問也殷相聘也世相朝也

聘以春秋傳曰孟僖子如齊聘聘禮也

小聘曰問殷中也又無事又於殷朝者及而相聘也父死子立曰世凡君即位大國朝焉小

國聘焉此皆所以習禮考義正刑一德以尊天子也必擇有道之國而就脩之鄭司農說殷

聘以春秋傳曰孟僖子如齊聘聘禮也

小行人掌邦國賓客之禮籍以待四方之使者禮籍名位尊卑之書使

令諸侯春入貢秋獻功王親受之各以其國之籍禮之貢六服所貢也功考績之

功也秋獻之若今計文凡諸侯入王則逆勞于畿鄭司農云入王朝於王也故

書斷於九月其舊法及郊勞既館將幣為承而擯既館於賓至將幣使宗伯為上擯皆為

侯有王王有巡守及郊勞既館將幣為承而擯致館於賓至將幣使宗伯為上擯皆為

之丞而凡四方之使者大客則擯小客則受其幣而聽其辭擯者擯而

得親言也受其幣者受之使適四方協九儀賓客之禮朝覲宗遇會同

節土國用人節澤國用龍節皆以金為之通之也達天下之六節山國用虎

符節都鄙用管節皆以竹為之此謂邦國之節也達之者使之四方亦皆謂法

之以為行道之信也虎人龍者自其國象也道路謂鄉遂大夫也都鄙者公之子弟及卿大

夫之采地之吏也凡邦國之民遠出至他邦他邦之民若來入由國門者門人為之節由關

者關人為之節其以徵令及家徒鄉遂大夫及采地吏為之節皆使人執節將之以達之亦

有期以反節管節如今之竹使符也其有商者通之以符節如門關門關者與市廛事節可

凡節有天子法式存於國也凡節有天子法式存於國也成六瑞王用璜圭公用桓圭侯用信圭伯用躬圭

子用穀璧男用蒲璧成平也瑞信也皆朝見所執以為信合六幣圭以馬璋以皮璧以帛琮

以錦琥以繡璜以黼此六物者以和諸侯之好故合同也六幣所以享也五等諸侯享天子用璧享后

用琮其大各如其瑞皆存展實以馬若皮皮虎豹皮也用圭璋者二王之後也二王後尊故

享用圭璋而特之禮也曰圭璋特義亦通於此其於諸侯亦用璧琮耳子男於諸侯則享用

琥璜下其瑞也凡二王諸侯相享之玉大小各降其瑞一等及使卿大夫規聘亦如之若國札喪則令賻補之若國凶荒

則令賻委之若國師役則令槁禴之若國有福事則令慶賀之

若國有禍裁則令哀弔之凡此五物者治其事故故書賻作傳槁為槁鄭司農云賻補之謂賻喪家補助其不足也若今時一室二尸則官與之棺也槁當為槁謂槁師也立謂師役者國有兵寇以賻病者也使鄰國會會財貨以與之春秋定五年夏歸粟於蔡是也宗伯職曰以禮禮哀圍敗禍裁水火及其萬民之利害為一書其禮俗政事教治刑禁之逆

順為一書其悖逆暴亂作慝猶犯令九也為一書其札喪凶荒厄貧

為一書其康樂和親安平為一書凡此五物者母國辨異之以反

命于王以周知天下之故慝惡也德圖也

司儀掌九儀之賓客擯相之禮以詔儀容辭令揖讓之節出接賓曰擯入贊禮

曰相以詔者將合諸侯則令為壇三成宮旁一門合諸侯謂有事而會也為壇于國外以命事宮謂壇

土以爲牆廡所謂為壇壇宮也天子春帥諸侯拜日於東郊則為壇於國東夏禮日於南郊

則為壇於國南秋禮山川丘陵於西郊則為壇於國西冬禮月四瀆於北郊則為壇於國北

既拜禮而還加方明於壇上而祀焉所以教尊尊也觀禮曰諸侯親於天子為宮方三百步

四門壇十有二尋深四尺是也工巡守於國而同則其為宮亦如此與鄭司農云三成三重

也爾雅曰丘一成為敦丘再成詔王儀南鄉見諸侯士揖庶姓時揖異姓天

揖同姓謂王既祀方明諸侯上介皆奉其君之旂置于宮乃詔王升壇諸侯皆就其旂而

諸子門東北面東上諸男門西北面東上王揖之者定其位也公姓無親者也士揖推手小

下之也異姓昏姻也時揖平推手也衛將軍文子曰獨居思仁公言言義其聞詩也一日三

復白圭之玷是南宮緇之行也夫子信其仁以為異姓謂妻之也天揖推手小舉之及其擯之各以其禮公於上等侯伯

於中等子男於下等謂執玉而前見於王也擯之各以其禮者謂擯公者五人侯伯

四尺則一等一尺也壇十有二尋方九十六尺則堂上二丈四尺每等丈二尺與諸侯各於其等奠玉辟拜升成拜明臣禮也既乃升堂授王玉其將幣亦如

之其禮亦如之將幣享也禮謂以幣幣幣王燕則諸侯毛謂以須髮坐也朝事尊

鄭司農云謂老者在上也凡諸公相為賓謂相也主國五積二問皆三辭拜受賓所停止則清問則問行道則勞其

皆旅擯再勞三辭三揖登拜受拜送禮皆使卿大夫致之從來至去數如此

也三辭辭其以禮來於外也積問不言登受之於庭也鄭司農云旅讀為旅於大山之旅謂

九人傳辭相授於上下竟問賓從末一行介還受上傳之玄謂旅讀為鴻臚之臚臚陳之也

賓之介九人使者七人皆陳擯位不傳辭也賓之上介出請使者則前對位皆當其末擯焉三揖謂庭中時也拜送送使者

王君郊勞交擯三辭車逆拜辱三揖三辭拜受車送三還再拜王君郊勞備三勞而親之也鄭司農云交擯三辭謂

賓主之擯者俱三辭也車逆主人以車迎賓於館也拜辱賓拜謝辱也玄謂交擯者各陳九介使傳辭也車逆拜辱者賓以主君親來乘車出舍門而迎之若欲遠就之然見之則下拜迎謝其自屈辱來也至去又出車若欲遠送然王君三還辭之乃再拜送之也車送迎之節各以其等則諸公九十步立當車軹也三辭重者先辭辭其以禮來於外後辭辭升堂

致館亦如之館舍也使大夫授之君又以禮親致焉**致殮如致積之禮**俱使大夫禮同也殮食也小禮曰殮大禮曰殮食也

及將幣交擯三辭車逆拜辱賓車進答拜三揖三讓每門止一相

及廟唯上相入賓三揖三讓登再拜授幣賓拜送幣每事如初賓

亦如之及出車送三請三進再拜賓三還三辭告辟鄭司農云交擯擯拜賓上車進主人乃答其拜也及出車送三請主人三請留賓也三進進隨賓也賓三還三辭告辟賓三還辭謝言已辟去也玄謂既三辭主君則乘車出大門而迎賓見之而下拜其辱賓車乃前下答拜也三揖者相去九十步揖之使前也至而三讓讓入門也相謂主君擯者及賓之介也謂之相者於外傳辭耳入門當以禮詔佈也介紹而傳命者君子於其所尊不取質虧之至也每門止一相彌相親也君入門介拂闕大夫中張與闕之間士介拂長此為介鴈行相隨也止之者絕行在後耳賓三揖三讓讓升也登再拜授幣授幣當為受主人拜至且受玉也每事如初謂享及有言也賓當為賓謂以饗對禮禮賓也上於下曰禮敵者曰儀禮器曰諸侯相朝禮用鬱鬯無簋豆之薦謂以朝禮畢饋賓也三請三進請賓就車也主君每三請主君一請者賓亦一還一辭

致饗食餼還主饗食食致贈郊送皆如將

幣之儀此六禮者惟鄉食食速賓耳其餘王君親往親往者賓為主人主人為賓君如有故殮反璧玄謂聘以圭璋禮也享以璧琮財也已聘而還圭璋輕財而重禮贈送以財既贈又送至郊**賓之拜禮拜饗餼拜饗食**

鄭司農云賓之拜禮者因言賓所當拜者之禮也所當拜者拜饗餼拜饗食玄謂賓將去就朝拜謝此三禮三禮禮之重者也賓既拜主君乃至館贈之夫又送之于郊**賓繼**

主君皆如主國之禮鄭司農云賓繼王君復主人之禮也故曰皆如主國之禮玄如其禮者謂玉帛皮馬也有饌陳之積**諸侯諸伯諸子諸男之相為賓也各**

以其禮相待也如諸公之儀賓王相待之儀與諸公同也**諸公之臣相為國**

客謂相聘也**則三積皆三辭拜受**受者受之於庭也**及大夫郊勞旅擯三辭**

拜辱三讓登聽命下拜登受賓使者如初之儀及退拜送登聽命也賓當為僎必用束帛僎用東錦侯伯之臣受勞於庭**致館如初之儀**如郊勞也不僎耳侯伯之臣致館于庭不

殮不致殮不致及將幣旅擯三辭拜逆客辟三揖每門止一相及廟唯君相

入三讓客登拜客三辟授幣中下出每事如初之儀客辟遠巡不答拜也唯

矣拜主君拜客至也客三辟三退負序也每事享及有言**及禮私面私獻皆再拜稽首君答拜**禮以禮

面私覲也既覲則或有私獻者鄭司農云說私面以春秋傳曰楚公子弃疾見鄭伯以其良馬私面**出及中門之外問君客再拜**

以春秋傳曰楚公子弃疾見鄭伯以其良馬私面

以春秋傳曰楚公子弃疾見鄭伯以其良馬私面

以春秋傳曰楚公子弃疾見鄭伯以其良馬私面

以春秋傳曰楚公子弃疾見鄭伯以其良馬私面

以春秋傳曰楚公子弃疾見鄭伯以其良馬私面

以春秋傳曰楚公子弃疾見鄭伯以其良馬私面

以春秋傳曰楚公子弃疾見鄭伯以其良馬私面

以春秋傳曰楚公子弃疾見鄭伯以其良馬私面

以春秋傳曰楚公子弃疾見鄭伯以其良馬私面

以春秋傳曰楚公子弃疾見鄭伯以其良馬私面

對君拜客辟而對君問大夫客對君勞客客再拜稽首君答拜客

趨辟中門之外即大門之內也問君曰若不恙乎對曰使臣之來實君命臣于庭大夫曰趨辟二三子不恙乎對曰寡君命使臣于庭二三子皆在勞客曰道路悠遠客甚勞勞介

則曰二三子甚勞問君致養餼如勞之禮饗良食還圭如將幣之儀

親而使大夫君館客客辟介受命遂送客從拜辱于朝

君館客者客將去就明日客拜禮賜遂行如入之積

積禮賜謂乘禽之加惠也如積則三積從來至去凡侯伯子

男之臣以其國之爵相為客而相禮其儀亦如之

爵卿也大凡四方

之賓客禮儀辭命餼牢賜獻以二等從其爵而上下之

上下備凡賓

客送逆同禮

謂郊勞郊凡諸侯之交各稱其邦而為之幣以其幣為

之禮

幣享幣也於大國則豐於小國則殺主國禮之如其豐殺謂賄賂用束紡禮用王帛乘皮及贈之屬凡行人之儀不朝不夕

不正其王面亦不背客

謂擯相傳辭時也下正不鄉不正西

行夫掌邦國傳遽之小事媿惡而無禮者凡其使也必以旌節雖

道有難而不時必達

傳遽若今時乘傳騎驛而使者也美福慶也惡喪荒也此事

也必達王命不可廢也其大者有禮大居於其國則掌行人之勞辱事焉使

則介之

使謂大小行人也故書曰夷使鄭司農云夷

使使於四夷則行夫主為之介玄謂夷發聲

環人掌送逆邦國之通賓客以路節達諸四方

通賓客以常事往來者也路節旌節也四方圻上舍

則授館令聚擯有任器則令環之

令令野廬氏也鄭司農云四方人凡門關

無幾送逆及疆

鄭司農云門關不得苛留環人也

象胥掌蠻夷閩貉戎狄之國使掌傳王之言而諭說焉以和親

謂蕃國之臣若以時入賓則協其禮與其辭言傳之

以時入賓謂其君凡國

來規聘者凡其出入送逆之禮節幣帛辭令而賓相之

從來至去皆為擯凡國

之大喪詔相國客之禮儀而正其位

臣來弔者凡軍旅會同受國客

幣而賓禮之

謂諸侯以王有軍旅凡作事王之大事諸侯次事卿次事大

夫次事上士下事庶子

作使也鄭司農云王之大掌客掌四方賓客之牢禮餼獻飲食之數與其政治

政治邦新王

合諸侯而饗禮則具十有二牢庶具百物備諸侯長十有再獻

諸

侯而用王禮之數者以公侯伯子男盡在是王巡守躬國則國君膳以

敵用也諸侯長九命作伯者也獻公侯以下如其命數

侯而用王禮之數者以公侯伯子男盡在是

敵用也諸侯長九命作伯者也獻公侯以下如其命數

侯而用王禮之數者以公侯伯子男盡在是

敵用也諸侯長九命作伯者也獻公侯以下如其命數

侯而用王禮之數者以公侯伯子男盡在是

敵用也諸侯長九命作伯者也獻公侯以下如其命數

侯而用王禮之數者以公侯伯子男盡在是

敵用也諸侯長九命作伯者也獻公侯以下如其命數

聘禮差之則堂上之數與此同餽羹器也公餽四十二侯伯二十八子男十八非衰差也二
十八書或為二十四亦非也其於衰公又當三十於言又為無施禮之大數餽少於且推其
衰公餽四十二宜為三十八蓋近之矣則公餽堂上十八西夾夾各十侯伯堂上十二西
夾東夾各八子男堂上十西夾東夾各四壺酒器也其設於堂夾如豆之數鼎牲器也簋黍
稷器也鼎十有二者能一牢正鼎九與陪鼎三皆設于西階前簋十二者堂上八西夾東夾
各有七其故腥字也諸侯禮盛腥鼎有鮮魚鮮腊皆九為列設于階前公腥鼎三十
六腥四牢也侯伯腥鼎二十七腥三牢也子男腥鼎十八腥二牢也皆陳列也殯門內之
實備于是矣亦有車米禾芻薪公殯五牢米二十車禾三十車侯伯四牢米米皆二十車子
男三牢米十車禾二十車芻薪皆倍其禾麥食餼既相見致大禮也大者既煎殯積有生有腥
有孰餘又多也死牢如殯之陳亦能一牢在西餘腥在東也牽生牢也陳于門西如積也米
橫陳于中房十為列每宮半斛公侯伯子男黍梁稻皆二行公稷六行侯伯稷四行子男二
行醢醢夾碑從陳亦十為列醢在碑東醢在碑西皆陳於門內者於公門內之陳也言車者
衍字耳車米載米之車也聘禮曰十斗曰斛十六斗曰石十石曰百石每車乘有五穀則二十
四斛也禾稷實并刈者也聘禮曰四秉曰筥十筥曰稷十稷曰秬每車三秬則三十稷也稷
猶束也米禾之秉筥守同數異禾之秉手把耳筥讀為練稻之稻謂一稽也皆陳橫陳門外
者也米在門東禾在門西芻薪雖取數于禾薪從米芻從禾也乘禽乘行群麋之禽謂雉鴈
之屬於禮以雙為數房中也中又致膳示念賓也若弗爾謂君有故不親饗食燕也不饗則
以酬幣致之不食則以侑幣致之凡介行人宰史眾百從賓者也行人王禮宰三具史王書
皆有餼饗餼其君以及其臣也以其餼等為之餼之數陳爵卿也則餼二牢宰餼
命數則參差難等畧於臣用爵而已夫人致膳助君致賓也此陳于戶東壺陳于
東序凡夫人之禮皆使下大夫致之於子男云膳視致饗言夫人致膳於小國君以致饗之
禮則是不復饗也饗有壺酒卿皆見者見于賓也既見之又膳之亦所以助君養賓也卿見
又膳此聘禮卿大夫勞賓饗賓之類與於子男云親見卿皆膳特牛見讀如卿皆見之見言
卿於小國之君有不故造館見者故造館見者乃致膳鄭司農說牽
云牲可牽行者也故春秋傳曰餼牽竭矣托讀為托秭麻荅之托 凡諸侯之卿大夫

士為國客則如其介之禮以待之 言其特來聘問待之禮如其為介時也然則聘禮凡所以禮賓是亦禮介 凡禮

賓客國新殺禮凶荒殺禮札喪殺禮禍茲殺禮在野在外殺禮 皆為國用愛費也國新新國也凶荒無年也禍茲新有兵寇水火也 凡賓客死致禮以 死則主人為之具而殯矣喪用者饋奠之物 賓

客有喪唯芻稍之受 不受饗食饗食加也喪謂父母死也客則又有君焉芻給牛馬稍人膏也其正禮殯饗饋當孰者腥致之也 遭王

國之喪不受饗食受牲禮 牲亦當為腥聲之誤也有長不忍煎 若將有國賓客至則戒

掌訝掌邦國之等籍以待賓客 等九儀 官脩委積與士逆賓于疆為前驅而入 官謂牛人羊人舍人委人之屬士訝士也既戒乃出迎賓 及

宿則令聚標 令令野廬民 及委則致積 以王命致于賓 至于國賓入館次于舍門外

待事于客 次如今官府門外更衣處 及將幣為前驅 道之以 至于朝詔其

位入復及退亦如之 鄭司農云詔其位告客以其位處也入復客入則掌訝出復其故位也客退復入迎為之前驅至于館也立謂入復者入告王以客 凡從者

至也退亦如之 如其為前驅 凡賓客之治令訝訝治之 賓客之治謂欲正其真賦理國事也以告訝訝為如朝而治之 凡從者

出則使人道之 從者凡介以下也人其屬齊徒 及歸送亦如之 如其者送至於竟

事之凡賓客諸侯有卿訝卿有大夫訝大夫有士訝士皆自訝 此謂朝

屬

屬

之日王所使迎賓客于館之訝凡訝者賓客至而往詔相其事而掌其治令

掌筮節與幣巡邦國之諸侯及其萬民之所聚者道王之德意志慮

使咸知王之好惡辟行之節以為行信幣以見諸侯也咸皆也辟讀如辟忌之辟

使和諸侯之好有欲相與脩好者則為和台之達萬民之說說所喜也達者達于王若其國君掌邦國之

通事而結其交好通事謂朝觀聘問也以諭九稅之利九禮之親九牧之維九

禁之難九戎之威諭告曉也九稅所稅民九職也九禮九儀之禮九牧九州之牧九禁九法之禁九戎九伐之戎

掌察闕

掌貨賄闕

朝大夫掌都家之國治都家王子弟公卿及大夫之采地也主其國治者平理其來文書於朝者日朝以聽

國事故以告其君長國事故天子之事當施於都家者也告其君長使知而行之也君謂其國君長其卿大夫也國有政

令則令其朝大夫使以告其都家之吏凡都家之治於國者必因其朝大夫

然後聽之唯大事弗因謂以小事又書來者朝大夫先平理之乃以告有司也大事者非朝大夫所能平理凡都家之

治有不及者則誅其朝大夫不及謂有稽殿之在軍旅則誅其有司有司都司

馬家司馬


都則闕

都士闕

家士闕

周禮卷第十

經三千九百六
注八千七百



天時也言百工之事當審其時也鄭司農云泐讀如所坊而後卦之坊泐謂石解散也夏時盛暑大熱則然凡攻不之工七攻金之

工六攻皮之工五設色之工五刮摩之工五搏埴之工二攻猶治也搏之言拍也埴黏土也故

工築冶鳧桌段桃攻皮之工函鮑鞞素裘設色之工畫績鍾篚幌

刮摩之工玉樹雕矢磬搏埴之工陶斲斲事官之屬六十此識其五材三十二略

其曰某氏者官有世功若族有世業以氏名官者也爐子或伶杵也國語曰侏儒扶盧梓榎

屬也故書斲或為舟鄭司農輪輿弓盧匠車梓此七者攻木之工官別名也孟子曰梓匠輪

輿鮑讀為鮑魚之鮑書或為鮑蒼頡篇有鮑莞鞞讀為歷運之運幌讀為芒芒禹迹之芒押

讀如巾擗之擗故讀為甫始之甫埴書或為植杜子春云雕或為舟者非也玄謂斲讀如放

於此乎有虞氏上陶夏后氏上匠殷人上梓周人上輿官各有所尊王者

之放故一器而工聚

焉者車為多周所車有六等之數車有天地之象人在其中焉車軫四尺

謂之一等戈柲六尺有六寸既建而地崇於軫四尺謂之二等人長

八尺崇於戈四尺謂之三等及長尋有四尺崇於人四尺謂之四等

車戟常崇於及四尺謂之五等酋矛常有四尺崇於戟四尺謂之

六等此所謂兵車也軫輿後橫木崇高也八尺曰尋倍尋曰常及長丈二戈及戟矛皆插

車謂之六等之數申言凡察車之道必自載於地者始也是故察

車自輪始先視輪也凡察車之道欲其樸屬而微至不樸屬無以

為宗久也不微至無以為戚速也樸屬猶附著堅固貌也齊人有名疾為戚者春

鄭司農云樸讀如子南僕之僕微至謂輪至地者少言其圓輪已崇則人不能登也

輪已庠則於馬終古登阨也已大也甚也崇高也齊人之言終故兵車之輪

六尺有六寸田車之輪六尺有三寸乘車之輪六尺有六寸此以馬大

兵車革路也田車大路也乘車二路金路六尺有六寸之輪軹崇三尺有三寸

也加軫與鞮焉四尺也人長八尺登下以為節此車之高者也軫輿也鄭司

僕謂伏兔也玄謂軹轂末也此軫與鞮并七寸田車又宜也三材既具巧者和之調其鑿內而合之

指也牙也者以為固抱也利轉者轂以無有為用也鄭司農云牙讀如破者輪敝

利轉者轂以無有為用也鄭司農云牙讀如破者輪敝

三材不失職謂之完敲盡而動望而眡其輪欲其慎爾而下也也進而

眡之欲其微至也無所取之取諸園也輪謂牙也慎均致辨也進猶行也微至

司農云微至書或作危至望其輻欲其削手爾而織也進而眡之欲其肉稱

也無所取之取諸易直也擊織殺小貌也肉稱弘殺好也鄭司農云擊望其轂

欲其眼也進而眡之欲其儻之廉也無所取之取諸急也儻慢轂之革

急革急則裏不廉偶見鄭眡其綆欲其蚤之正也蚤當為爪謂輪入牙中者也鄭

司農云眼讀如限切之限察其苗蚤不齒則輪雖敝不匡齒謂輪入轂中者也齒與

匡刺也鄭司農云舊讀如雜劇之廟謂建輻也泰山平凡斬轂之道必矩其陰陽

原所樹立物為苗蚤如歲博立鳥暴亦為苗匡狂也火養其陰而齊諸其陽則轂雖敝不

高火養致也火養其陰多堅之也鄭司轂小而長則柞大而短則擊鄭司農云柞讀為迫借之借

必撓減憊革暴起是故六分其輪崇以其一為之牙圍六尺六寸之

參分其牙圍而漆其二不漆其踐地者也漆者七寸三分寸之一不漆者三寸

者各一樽其漆內而中誦之以為之轂長以其長為之圍六尺六寸之

四寸是為轂長三尺二寸圍徑一尺三分寸之二以其圍之防梢其數梢除也防

也鄭司農云樽者度兩漆之內相距之尺寸也五分之數五分之數

也鄭司農云梢讀為桑蟬蟬之蟬數讀為蜂數之數謂轂之蓋中也玄謂此數五分之數

之長去一以為賢去三以為軹鄭司農云賢大穿也軹小穿也玄謂此大穿徑八

穿甚大似誤矣大穿實五分轂長去二也去二則得六寸五分寸之二凡大小穿皆謂金也

今大小穿金厚一寸則大穿穿內徑四寸五分寸之二小穿穿內徑二寸五分寸之四如

是乃與數容轂必直陳篆必正施膠必厚施筋必數儻必負幹鄭司農

上屬曰軹容玄謂容者比轂為之形容也既摩革色青白謂之轂之善謂九漆

象轂約也儻負幹者革轂相應無贏不足參分其轂長二在外一在內以置其輻轂長三尺二寸

以石摩平之革色凡輻量其鑿深以為輻廣廣深相應則輻廣而鑿淺

半則輻內九寸半則是以大抗雖有良工莫之能固抗搖鑿深而輻小則是固有餘

而強不足也言輻弱不勝故竝其輻廣以為之弱則雖有重任轂不

折言力相稱也弱苗也今人謂蒲本在水中者為弱參分其輻之長而殺其

一則雖有深泥亦弗之謙也殺衰小之也鄭司農云謙參分其股圍去

一以為駁圍 謂殺輻之數也鄭司農云服謂近轂者也駁謂近牙者也方言駁以喻揉其豐故言駁以喻其細人脛近足者細於服謂之駁羊脛細者亦為駁

輻必齊平沈必均 揉謂以火槁之衆輻之直齊如一也平沈平漸也鄭司農云平沈謂浮之水上無輕重 直以拍牙牙得

則無執而固 得謂偃句也蓋內相應也鄭司農云執撥也蜀人言撥曰執謂執滑如涅從水執省聲 不得則有執必足

見也 必足見言執大也然則雖得猶有執但小耳 六尺有六寸之輪緇參分寸之二謂之輪之

固 輪輻則車行不掉也參分寸之二者出於輻股數之數也 凡為輪行澤者欲行行山者欲侷 行謂削薄其地者

侷 侷謂削薄 以行石也是故輪雖敝不類於數 博園厚也鄭司農云不類於數謂不動於數

是以行石也是故輪雖敝不類於數 博園厚也鄭司農云不類於數謂不動於數

是故規之以眡其園也 輪中規則園矣 萬之以眡其匡也 準為萬葉以運輪上輪中萬

平沈之均也 平沈其輪無輕重則劉材均矣 量其數以黍以眡其同也 黍滑而齊以量兩權

之以眡其輕重之侷也 侷等也稱兩輪均石同則等矣輪有輕重則引之有難易 故可規可萬可水可縣

可量可權也謂之國工 國之名工

輪人為蓋達常圍二寸 圍三寸徑一寸也鄭司農云達常蓋斗柄下入杠中也 程圍倍之六寸 圍六寸

斗部長二尺 謂一柄也 程長倍之四尺者二 杠長八尺謂達常以下也加達 十分寸

之一謂之枚 為下起數也枚一分故書十與上二合為手 部尊一枚 尊高也蓋斗上

弓鑿廣四枚鑿上一枚鑿下四枚 弓蓋撩也廣大也 鑿深二寸有半下

直二枚鑿端一枚 鑿深對為五寸是以不傷達常也下直二枚者鑿空下正而上低

弓長六尺謂之庇軹五尺謂之庇輪四尺謂之庇軫 庇覆也故書

參分弓長而揉其一 參分之持長撓短者近部而平長者為 參分其股

圍去一以為蚤圍 蚤當為爪以弓鑿之廣為股圍則 參分弓長以其一為

之尊 尊高也六尺之弓上近部平者二尺爪末下於部二尺二尺為句四尺為弦求其股股十二除之而三尺幾半也 上欲尊而字欲卑

上近部平者 也 上尊而字卑則吐水疾而雷遠 蓋者王為雨設也乘命蓋也

已崇則難為門也蓋已卑是蔽目也是故蓋崇十尺 十尺具中正也

蓋 蓋崇十尺中正也

蓋 蓋崇十尺中正也

蓋 蓋崇十尺中正也

而人長八尺卑良蓋弗冒弗紘躬敵而馳不隊謂之國工隊也善蓋者於此蔽人目無衣若無紘而弓不落也

與人為車輪崇車廣衡長參如一謂之參稱解猶等也車與也參分車

廣去一以為隧兵車之隧四尺四寸鄭司農云隧謂車與參分其隧一在前二

在後以揉其式兵車之式深尺四寸三分寸之二以其廣之半為之式崇兵車之式高以其

隧之半為之較崇較兩轆上出式者兵車白較而下凡五尺五寸故書較作推杜子春云當為較六分其廣以一為

之軫圍軾輿後橫者也兵車之軾圍尺一寸參分軾圍去以為式圍兵車之式圍七寸二分寸之一參分式

圍去一以為較圍兵車之較圍四寸九分寸之八參分較圍去一以為軾圍兵車之軾圍三寸二分寸之一

衡者也與較未同名分寸之七軾轆之植者參分軾圍去一以為軾圍兵車之軾圍三寸二分寸之一軾圍者中規方者中矩立

者中縣衡者中水直者如生焉繼者如附焉治村居材如此乃善也如生如木從地生如附如附枝之

凡居材大與小無并大倚小則摧引之則絕并偏邪相就也用力之時甚則摧也其小并於大者小者力不堪則絕也棧車欲弁為其無革鞮不堅易圻壞也士乘棧車飾車欲侈飾車謂革鞮與也大夫以上革

輓輿故書侈作侈杜子春云當為侈輓人為輓輓車轆也詩云五檠梁輓輓有三度軸有三理目下事度深淺之數國馬之輓深

四尺有七寸國馬謂種馬戎馬齊馬道馬高八尺兵車乘車輓崇三尺有三寸加軾與轆七寸又并此輓深則衡高八尺七寸也除馬之高則餘七寸為衡頸之間也田馬之輓深四尺田車輓崇三尺一寸半并此輓深而七尺一寸半今田馬去衡頸之間亦七寸則軾與轆五寸半則

衡高七寸鄭司農云深四尺七寸謂轆曲中駑馬之輓深三尺有二寸輪軾與軾轆大小之減率寸半也則駑馬之車軾尺七寸也今駑馬六尺除馬之高則衡頸之間亦七寸軸有三理一者以為熈也無節也二者以為父也堅

也三者以為利也密軌前十尺而策半之謂輓軌以前之長也策御者之策為鈎以求其股股則短矣七非也鄭司農云軌謂式前也書或作軌立謂軌是軌法也謂輿下三面之材輓式之所封持車正也

者十分其輓之長以其一為之圍衡任者五分其長以其一為之圍目車持任之材任正

小於度謂之無任任正者謂輿下三面材持車正者也輓軌前十尺與隧四尺四寸凡丈四尺四寸則任正之圍尺四寸五分寸之二衡任者謂兩軾之間

也兵車乘車衡圍一尺三寸五分寸之一無任言其不勝任

十分其軾間以其一為之軸圍軸圍亦一尺三寸五分寸之二與任正者相應

十分其輓之長以其一為之當免之圍輓當伏免者也亦圍尺四寸五分寸之二與任正者相應

參分其免圍去一以為頸圍頸前持衡者圍九寸五分寸之九五分其頸圍去一以

與衡任

相應

參分其免圍去一以為頸圍

五分其頸圍去一以

為踵圍踵後承軫者也圓七十凡揉軻欲其孫而無弧深孫順理也杜子春云

汗玄謂弧木弓也凡弓引之中參中參深之極也揉軻之偃句如二可也如三則深傷其力今夫大車之軻執其登又難既

克其登其覆車也必易此無故唯轅直且無橈也大車牛車也鞅軻也

是故大車平地既節軒擎之任及其登地不伏其軻必溢其牛此

無故唯轅直且無橈也地阪也故書伏作偃杜子春云偃當作伏故登地者信任者也猶能以

登及其下地也不援其邸必緇其牛後此無故唯轅直且無橈也

倍任用力倍也故書緇作鯨鄭司農云鯨讀為緇關東謂計為緇鯨魚字是故軻欲頌典頌與堅刃貌鄭司農云頌讀為

一縛懇典軻深則折淺則負揉之大深傷其力馬倚之則軻注則利準利準

則久和則安故書準作水鄭司農云注則利水謂軻脊上兩注令水去利也玄謂利水重

平如準則能久也和則安軻欲弧而無折經而無絕揉軻大深則折也進則與

馬謀退則與人謀言進退之易與人馬之意相應終日馳騁左不捷杜子春

為蹇左面不便馬苦蹇軻調善則馬不蹇也書捷或作券玄謂券今倦字也軻和則久馳騁載在左者不罷倦尊者左行數千里馬不契需鄭

農云契讀為爰契我龜之契需讀終歲御衣衽不敝衽謂此唯軻之和也和則安

也謂進則與勸登馬力登上也軻和馬力既竭軻猶能一取焉馬止軻尚能

進良軻環漚自伏兔不至軌七寸軌中有漚謂之國軻伏兔至軌蓋

乘車式深尺四寸三分寸之二漚不至軌七寸則是半有漚也軻有筋膠軻之方也以

象地也蓋之圜也以象天也輪輻三十以象日月也蓋弓二十有

八以象星也輪象日月者以其運行龍游九游以象大火也交龍為游諸侯之

宿之心其屬鳥旗七游以象鷄火也鳥隼為旗州里之所建鷄火朱熊旗六游

以象伐也熊虎為斧師都之所建伐龜蛇四游以象營室也龜地為旄縣鄙之

與東壁連弧旌枉矢以象弧也觀禮曰侯氏載龍旂弧獨則旌旗之屬皆有弧也弧

妖星有枉矢者地行有攻金之工築氏執下齊冶氏執上齊鳧氏為聲

臬氏為量段氏為鑄器桃氏為刃多錫為下齊大刃削殺矢也少錫為上

屬刃大刀刀劍之屬金有六齊日和金六分其金而錫居一謂之鍾鼎之

齊五分其金而錫居一謂之斧斤之齊四分其金而錫居一謂之戈

戟之齊參分其金而錫居一謂之大刃之齊五分其金而錫居二謂

之削殺矢之齊金錫半謂之鑿燧之齊鑿燧取水火於日月之謂也鑿亦鑿也凡金多錫則刃白且明也
築氏為削長尺博寸合六而成規今之書刀欲新而無窮謂其利也鄭司農云常如新無窮已敞
盡而無惡鄭司農云謂鋒鏑俱盡不偏索也玄謂刃也脊也其金如一雖至敞盡無惡也

冶氏為殺矢刃長寸圍寸鈺十之重三垸殺矢與戈戟異齊而同其工似補脫誤在此也殺矢用諸田獵之矢也鈺
讀如麥秀鈺之鈺鄭司農云鈺箭足入葦中者也坊量名讀為九戈廣二寸內倍之胡三之援四之戈今句于之鷄鳴或謂之擁頭內謂胡以內接秘者也長四寸胡六寸援八寸鄭司農云鈺直刃也胡其子已倨則不入已句則不決長內

則折前短內則不疾戈句兵也至於胡也巳倨謂胡微直而邪多也以人則不入已句謂胡曲多也以人則不入已句謂胡曲多也以人則不入已句謂胡曲多也是故倨句外博博廣也倨與胡並鉤內短則援長援長則倨於磬折曲於磬折則引之不疾

之倨句中矩與刺重三鈺戰今三鋒戟也內長四寸半胡長六寸援長七寸半三鈺者胡直中矩言正方也鄭司農云刺謂援也玄謂刺者著秘直前如鐔者也戟胡橫貫之胡中矩則援之外句磬折與

挑氏為劍臘廣二寸有半寸臘謂兩刃兩從半之鄭司農云謂劍脊兩面殺趨鏑以其臘臘謂兩刃
為之莖圍長倍之鄭司農云莖謂劍夾人所握鐔以上也玄謂莖在夾中者莖長五寸中其莖設其後鄭司農云謂穿之也玄謂從中以卻稍大參分其臘廣去一以為首廣而圍之首圍其徑一之也後大則於把易制

二身長五其莖長重九鈺謂之上制上士服之身長四其莖長重七鈺謂之中制中士服之身長三其莖長重五鈺謂之下制下士服之上制長三尺重三斤十二兩中制長二尺五寸重二斤十四兩三分兩之二下制長二尺重二斤一兩三分兩之一此今之匕首也人各以其形貌大小帶之此士謂國勇力之士能用五兵者也樂記曰武王克商神異焉於而虎賁之士說劍

鳥氏為鍾兩欒謂之鈺故書欒作樂杜子春云當為欒欒書亦或為欒鈺鍾口兩角鈺間謂之于于上謂之鈺鈺上謂之舞此四名者鍾也鄭司農云舞上謂之

角角上謂之衡此二名者鍾柄鍾縣謂之旋旋蟲謂之幹旋屬鍾柄所以縣之也鄭司農云旋蟲者

旋以蟲為飾也玄謂今時旋有蹲熊戲龍辟邪謂今時鍾乳依鼓與舞每處有九面三十六于上之擁謂之隧擁所擊之處擁弊
以其鼓間為之舞脩去二分以為鈺此言鈺之徑居鈺徑之八而鈺間與鈺之徑相應鼓間又居鈺徑之六與

舞脩相應舞脩舞也舞上下促以橫為脩從為廣舞廣四分今亦去徑之二今以為之間則舞間之方恒居銑之四也舞間方四則鼓間六亦其方也鼓六銑六舞四此鐘口十者其長十六也鐘之大數以律為度廣長與圓徑假設之耳其鑄之則各隨鐘之制以其鉦之為長短大小也凡言間者亦為從象以介之鉦間亦當六今時鐘或無鉦間

長為之甬長并衡數也以其甬長為之圍參分其圍去一以為衡圍甬居上

又參分其甬長二在上二在下以設其旋今衡居一分則參分旋亦二在上

薄厚之所震動清濁之所由出侈身之所由興有說說猶意也故善侈

為鍾已厚則石大厚則聲不發已溥則播大溥則聲散侈則柝柝讀為咋然身則欒柝讀為咋然

舒揚長甬則震鐘掉則聲不正是故大鍾十分其鼓間以其一為之厚小鍾十

分其鉦間以其一為之厚若此則不石不播也鼓金之間同方六而今宜異又十

外鍾大而短則其聲疾而短聞淺則躁躁鍾小而長則其聲舒而遠

聞深則安安難息為遂六分其厚以其一為之深而圍之厚鍾厚深謂室之也其室圍故

栗氏為量改前金錫則不耗消澆之精不復減也栗古文或作歷不耗然後

權之權謂稱分之也雖異法用金必齊權之然後准之準故書或作水杜子春云當為水金器有孔

當齊大小準之然後量之鑄之於法中也且量之以為鬴深尺內方尺而圍

其外其實一鬴以其容為之名也四升曰豆四豆曰區四區曰鬴鬴六斗四升也鬴十

容鬴此言大方耳其鬻一寸其實一豆故書鬻作脣杜子春云當為鬻謂覆之其底深一寸也其耳三寸其

實一升耳在旁可舉也重一鈞重三斤其聲中黃鍾之宮應律既而不稅鄭司農

而不租稅姓得以量其銘曰時文思索允臻其極銘刻之也時是也允信也臻至也極中也

而作此量信至於道之中嘉量既成以觀四國以觀示四方永啟厥後茲器維則永

也取其也茲此也又長啓道其子孫使法則此器長用之凡鑄金之狀故書狀作壯杜子春云金與錫黑濁之

氣竭黃白次之黃白之氣竭青白次之青白之氣竭青氣次之

然後可鑄也消煉金錫精麤候

段氏闕

函人為甲犀甲七屬兕甲六屬合甲五屬屬讀如確注之注謂上旅下旅札

合甲制革裏肉但取其表合以為甲犀甲壽百年兕甲壽二百年合甲壽三百年革堅者

凡為甲必先為容服者之形容也鄭司農云容謂象式然後制革裁制札權其上旅與其下

旅而重若一鄭司農云上旅謂要以下以其長為之圍圍謂札凡甲鍛不執則

不堅已敝則撓鄭司農云鍛鍛革也執手謂質也鍛革大執則革敝無強曲竟也立謂擊之言致凡察革之道

空欲其窅也鄭司農云窅小孔貌窅窅為窅彼北林之窅眡其裏欲其易也無敗也眡其朕欲其

直也鄭司農云朕謂革制橐索之欲其約也鄭司農云橐謂卷置橐索中也舉而眡之欲其

豐也大豐衣之欲其無斷也鄭司農云斷謂如齒斲眡其鑽空而窅則革堅也眡其裏

而易則材更也眡其朕而直則制善也橐索之而約則周也舉之而

豐則明也衣之無斷則變也周密致也明有光耀鄭司農云更善也變隨人身便利

鮑人之事鮑故書或作鮑鄭司農云蒼頡篇有鮑堯望而眡之欲其茶白也草革遠視之當如茅莠之色進而

握之欲其柔而滑也謂親手煩擱之卷而搏之欲其無也鄭司農云卷讀為可卷而懷之之卷搏讀為縛

一如瑱之縛謂卷縛韋革也也讀為既建而地之也無地謂革不韋眡其著欲其淺也鄭司農云謂郭韋革之札入韋革淺緣其邊也立謂

察其線欲其藏也故書線或作綜杜子春云綜當為系旁泉讀為細謂縫革之縷革欲其茶

白而疾澣之則堅鄭司農云韋革不欲久居水中欲其柔滑而脛脂之則需故書需作需鄭

引而信之欲其直也信之而直則取材正也信

之而枉則是一方緩一方急也若苟一方緩一方急則及其用之

必自其急者先裂若苟自急者先裂則是以博為棧也鄭司農云廣為狹也立謂前若如棧淺之棧或者讀為羊豬豕之豕卷而搏之而不也則厚薄序也序舒也謂其革均也眡其

著而淺則革信也信無縮緩察其線而藏則雖敝不甌甌故書或作鄰鄭司農云鄰讀為磨而不

韋革中則雖敝不傷也

韋人為阜陶鄭司農云韋韋或為陶阜陶鼓木也立謂鞠者以阜陶名官也鞠則陶字從韋長六尺有寸左右端廣六

寸中尺厚三寸版中廣頭狹為穹隆也鄭司農云謂鼓木一判者其兩端廣六寸而其中中央廣尺也如此乃得有腹穹者三之一

鄭司農云穹讀為志無空邪之空謂鼓木腹穹隆者居鼓三之一也立謂穹讀如穹蒼之穹穹隆者居鼓面三分之一則其鼓四尺者版穹一尺三寸三分寸之一也倍之為二尺六寸三分寸之二加鼓四尺穹之徑六尺

上三正鄭司農云謂兩頭一平中央一平也立謂三直各居二尺二寸不弧曲也此鼓兩面以六鼓莖之

鼓長八尺鼓四尺中圍加三

之一謂之叢鼓中圍加三之一者加於面之圍以三分之一也面四尺其圍十二尺加

十四版則版穹六寸三分寸之二耳大鼓謂之叢以叢

為阜鼓長尋有四尺鼓四

尺倨句磬折以阜鼓鼓役事磬折中曲之不參凡冒鼓必以啟執蠶之日啟執蠶孟春之中也鼓蠶始聞雷聲而動鼓所取象也冒蒙鼓以革良鼓瑕如積環革調急也鼓大而短則其聲疾而

短聞鼓小而長則其聲舒而遠聞

韋氏闕

裘氏闕

畫績之事雜五色東方謂之青南方謂之赤西方謂之白北方

謂之黑天謂之玄地謂之黃青與白相次也赤與黑相次也玄與

黃相次也此言畫績六色所象及布采之第次績以為衣青與赤謂之文赤與白謂之章白與黑

謂之黼黑與青謂之黻五采備謂之繡此言刺繡采所用繡以為裳土以黃其象方

天時變古人之象無天地也為此記者見特有之耳子家駒曰天火以圜鄭司農云為

玄謂形如半子偕天意亦是也鄭司農云天時變謂畫天隨四時色鳥獸也所謂華蟲也在

者環然在裳山以章章讀為嶂嶂山物也水以龍龍之物凡畫繪之事

後素功素白米也後布之為其易漬汗也不言繡雜四時五色之位以章之謂之巧章明也績繡皆用五

鍾氏染羽以朱湛丹秫三月而熾之鄭司農云湛清也丹秫赤粟玄謂湛讀如

王后入而成又再染以黑則為緹緹今俗文作爵言如爵頭色也又復再染以黑乃成緹矣鄭淳而漬之淳沃也以炊下湯沃其熾二入為纁五入為緹七入為緇者三

謂之纁詩云緇衣之宜兮玄謂此同色耳染布帛者染人掌之凡玄色者在緹緇之間其六入者與

筐人闕

慌氏涑絲以沘水漚其絲七日去地尺暴之故書沘作涓鄭司農云涓水

水也漚漸也楚人曰漚齊人曰淩書暴諸日夜宿諸井七日七夜是謂水涑宿諸井

帛以欄為灰渥渥其帛實諸澤器滌之以蜃渥讀如緇人渥管之渥以

子春云淫當為渥書亦或為湛鄭司農云澤器謂滑澤之器蜃謂炭也士冠禮曰素積白履

清其灰而盪之而揮之清澄也於灰澄而出盪而沃之而盪之而塗之而宿

之更渥明日沃而盪之朝更沃至夕盪之又更沃至書暴諸日夜宿諸井七

日七夜是謂水涑

周禮第十一

經三千五百六十二字

注七千六十三字

周禮卷第十二

冬官考工記下

周禮

鄭氏注

玉人之事鎮圭尺有二寸天子守之命圭九寸謂之桓圭公守之

命圭七寸謂之信圭侯守之命圭七寸謂之躬圭伯守之命圭者王所命之圭

也朝觀執焉居則守之子守穀璧男守蒲璧不言之者闕耳故書或云命圭五寸謂之躬圭杜子春云當為七寸立謂五寸者璧文之闕亂存焉天子執冒四

寸以朝諸侯名玉曰冒者言德能覆蓋天下也天子用全上公用龍侯用瓚伯

用將鄭司農云全純色也龍當為虎有謂雜色立謂全純玉也皆讀為餐餐之餐龍瓚將皆謂公之孤也見禮次子男執用束帛而以豹皮表之為飾天子

繼子男執皮帛謂公之孤也見禮次子男執用束帛而以豹皮表之為飾天子天子圭

中必必讀如鹿車緝之緝謂以組四圭尺有二寸以祀天郊天所以禮其神也典瑞職曰四圭有邸以祀天旅

上大圭長二尺杼上終葵首天子服之王所指大圭也或謂之珽終葵推也為推於其杼上明無所屈也杼網也相

玉書曰珽玉六寸明自炤土圭尺有五寸以致日以土地致日度景至不夏日至之景尺有五寸

而制其域裸圭尺有二寸有瓚以祀廟裸之言灌也或作裸或作果裸謂始獻酌奠也瓚如盤其柄用圭有流前注

琬圭九寸而纁以象德琬猶園也王使之瑞節也諸侯有德王命賜之使者執琬圭以致命焉纁藉也琰圭九寸判規

以除慝以易行凡圭琬上十半琰圭琰半以上又半為琰飾諸侯有為不璧圭羨度

尺好三寸以為度鄭司農云羨徑也好璧孔也爾雅曰肉倍好謂之璧好倍肉圭

五寸以祀日月星辰禮其神也圭其邸璧琮九寸諸侯以享天子享獻也聘禮享君以

人以琮穀圭七寸天子以聘女納幣加大璋中璋九寸邊璋七寸射四

寸厚寸黃金勺青金外朱中鼻寸衡四寸有纁天子以巡守宗祝

以前馬射琰出者也勺故書或作約杜子春云當為勺謂酒尊中勺也鄭司農云鼻謂勺龍頭鼻也衡謂勺柄龍頭也立謂鼻勺流也凡此皆為龍口也衡古字橫假借字

也衡謂勺徑也三璋之勺形如圭琮天子巡守有事山川則用灌焉於大山川則用大璋加

文飾也於中山川用中璋殺文飾也於小山川用邊璋半文飾也其祈沈以馬宗祝亦執勺

將有事於四海山川則校人飾黃駒大璋亦如之諸侯以聘女亦納幣加於束帛

之文飾之也亦如之者琢圭璋八寸璧琮八寸以規聘琢文飾也規視也聘問也

如邊璋七寸射四寸牙璋中璋七寸射二寸厚寸以起軍旅以治兵守皆有三璋

曰凡四器者唯其牙璋中璋七寸射四寸馬琮五寸宗后以為權鄭司農云以為稱錘以起量大琮

十有二寸射四寸厚寸是謂內鎮宗后守之如王之鎮圭也馬琮七寸鼻

寸有半寸天子以為權鄭司農云以為稱錘以起量兩圭五寸有邸以祀地以旅四望

邱謂之祗有邱謂之祗有瑒琮八寸諸侯以享夫人獻於所朝聘案十有二寸東與十

有一列諸侯純九大夫純五夫人以勞諸侯純猶皆也鄭司農云案玉案也

也夫人王后也記時諸侯僭稱王而夫人之號不別是以同王后於夫人也玉案十二以為

列王后勞朝諸侯皆九列聘大夫皆五列則十有二列者勞二王之後也東與實於器乃加

於案聘禮曰夫人使下大夫勞以二竹篋方璋邸射素功以祀山川以致稍餼射

玄被纁裏有蓋其實素丞與擇兼執之以進璋邸射素功以祀山川以致稍餼射

素功無琇飾也餼或作氣杜子春云當為餼

判而出也致稍餼造賓客納粟食也鄭司農云

卿人關

磬氏為磬倨句一矩有半必先度一矩為句一矩為股而求其弦既而以一矩有

倨句非用其博為一博謂股博股為二鼓為三參分其股博去一以為

鼓博參分其鼓博以其一為之厚鄭司農云股磬之上大者鼓其下小者所

當擊者也玄謂股外面鼓內面也假今磬

股廣四寸半者版長九寸也鼓已上則摩其旁鄭司農云磬聲大上則摩鑊其旁

廣三寸長尺三寸半厚一寸下則摩其端大下聲濁也

矢人為矢鏃矢參分第矢參分一在前二在後參訂之而平者前有鐵

殺鄭司農云一在前謂箭前景兵矢田矢五分二在前三在後鐵差短小也兵矢

中鐵並居參分殺一以前

殺其一矢稟長三尺殺其五分其長而羽其一羽者以其筈厚為之羽

二矢亦可以田殺矢七分三在前四在後鐵又差短小也司

田矢謂矰矢深許讀為稟謂矢幹古水之以辨其陰陽沈而陽浮夾其陰陽以設其

比夾其比以設其羽夾其陰陽者弓矢比在稟兩旁弩矢比在參分其羽以設

其刃刃二寸則雖有疾風亦弗之能憚矣故書憚或作憚司農云讀當為憚

長寸圍寸鏃十之重二坑刃長寸脫二前弱則後後弱則翔中弱則

紆中強則揚羽豐則遲羽殺則趨顧言幹羽之病使矢行不正俛低也翔迴是故

夾而搖之以眡其豐殺之節也今人以拍夾矢撓之以眡其鴻殺之稱

也撓柄凡相筈欲生而搏同搏欲重同重節欲疏同疏欲臬相借

生謂無瑕也搏讀如搏黍之柄謂

也鄭司農云欲與欲其色如稟也

陶人為甌實二鬴厚半寸脣寸盆實二鬴厚半寸脣寸甑實二

鬴厚半寸脣寸七穿量六斗四升曰鬴鄭鬲實五鬴厚半寸脣寸庾

實二鬴厚半寸脣寸鄭司農云鬴讀為甗受三斗聘禮記有斛玄謂豆

實三而成鬴則鬴受斗二升庾讀如請益與之庾之

斝人為簋實一敵崇尺厚半寸脣寸且實三而成敵崇尺

升凡陶斝之事髻墾薛異不入市為其不任用也鄭司農云髻讀為刮薛

鬚頓傷也薛破裂也器中膊以中縣膊讀如車輪之輪既附泥而轉其均討膊

四尺方四寸凡器高於此則浮不能相勝厚天下之大獸五脂者膏者羸

梓人為筍虛樂器所縣橫曰筍植曰虛鄭宗廟之事脂者膏者

者羽者鱗者脂牛羊屬膏豕屬羸者謂虎豹狼螭為以為牲致美味也羸者羽者鱗者以為筍簋貴野聲也外骨內骨卻行以行

連行紆行以脰鳴者以注鳴者以旁鳴者以翼鳴者以股鳴者以

曾鳴者謂之小蟲之屬以為雕琢刻畫祭器博庶物也外骨內骨皆屬

人體短胆若是者謂之羸屬恒有力而不能走其聲大而宏有

公而不能走則於任重且大聲而宏則於鍾宜若是者以為鍾虛

公故擊其所縣而由其虛鳴懼讀為哨頤小也鄭司農云宏讀銳喙波吻

數目願胆小體騫腹若是者謂之羽屬恒無力而輕其聲清陽而

迷聞無力而輕則於任輕宜其聲清陽而遠聞於磬宜若是者以

為磬虛故擊其所縣而由其虛鳴吻口脣也願長脰貌故書脰或作輕小

首而長搏身而鴻若是者謂之鱗屬以為筍搏圍也凡攬網援簞

之類必深其爪出其目作其鱗之而謂筍虛之獸也深猶藏也深其爪出

其目作其鱗之而則於眦必撥爾而怒苟撥爾而怒則於任重宜

且其匪色必似鳴矣匪采貌也故書撥作廢匪作飛鄭司農爪不深目不出鱗

之而不作則必積爾如委矣苟積爾如委則加任焉則必如將廢

措其匪色必似不鳴矣措猶頓也故書措作

梓人為飲器勺一升爵一升觚三升獻以爵而酬以觚一獻而三酬

則一豆矣勺尊升也觚豆字聲之食一豆肉飲一豆酒中之食也一豆酒又

為凡試梓飲器鄉衡而實不盡梓師罪之鄭司農云梓師罪也衡謂廉衡也

爵鄉口酒不盡則梓曲禮執君器齊衡立謂衡平也

人之長罪於梓人焉

梓人為侯廣與崇方參分其廣而鵠居一焉崇高也方猶等也高廣等者謂侯中也天子射禮以九為

節侯道九十弓弓二寸以為侯中高廣等則天子侯中丈八尺諸侯於其國亦然鵠所射也以皮為之各如其侯也居侯中參分之一則此鵠方六尺唯大射以皮飾侯大射者將祭之射也其餘有上兩個與其身三下兩個半之鄭司農云兩個謂布可以維持侯者也上方兩枚與身三設身廣一丈兩個

各一丈凡為三丈下兩個半之傳地故短也立謂個讀若齊人之袴幹之幹上個下個皆謂舌也身躬也鄉射禮記曰倍中以爲躬倍躬以爲左右舌下舌半上舌然則九節之侯身三丈六尺上個七丈二尺下個五丈四尺其制身夾中个夾身在上下各一幅此侯凡用布三十

六丈言上个與其身三者明身居一分上个倍之耳亦為下个半上个出也个或謂之舌者取其出而左右也侯制上廣下狹蓋取象於人也張臂八尺張足六尺是取象率焉上綱與下綱出舌尋纈寸焉綱所以繫侯於

植者也上下皆出舌一尋者亦人張手之節也鄭司農云張皮侯而棲鵠則春以綱連侯繩也纈籠綱者纈讀為竹中皮之纈舌維持侯者張皮侯而棲鵠則春以功

皮侯以皮所飾之侯司裘職曰王大射則共虎侯能也豹侯設其鵠謂此侯也春讀為春蠶作也出也天子將祭必與諸侯群臣射以作其容體出其合於禮樂者與之事感神焉

張五采之侯則遠國屬儀王以六耦射三侯三獲三容樂以騶虞九節五正下曰若王大射則以紅步張三侯明此五正之侯非大射之侯明矣其職又曰諸侯在朝則皆北面遠國屬者若諸侯朝會王張此侯與之射所謂賓射也正之方外如鵠內二尺五采者內朱白次之蒼次之黃次之黑次之張獸侯則王以息燕獸侯畫獸之侯也鄉射記曰其侯之飾又以五采畫雲氣焉祭侯之禮以酒醢侯亦質大夫布侯畫以虎豹士布侯畫以鹿豕凡畫者丹質是獸祭侯之禮以酒醢侯之差也息者休農息老物也燕謂勞使臣若與君享臣飲酒而射母或若醢謂司馬實爵而獻獲者于侯其辭曰惟若寧侯若猶女也寧安也謂先有功德其鬼有神

女不寧侯不屬于王所故抗而射女或有也若如也屬猶朝會也抗舉也張也強飲強食女曾孫諸侯百福女後世為諸侯者女後世為諸侯者

廬人為廬器戈杵六尺有六寸及長尋有四尺車戟常首矛常有四尺夷矛三尋杵猶柄也八尺曰尋倍尋曰常首夷長短名酋之言適也酋近夷長矣凡兵無過三其身過

三其身弗能用也而無已又以害人人長八尺與尋齊進退之度三尋用兵力之極也而無已不徒止耳故攻

國之兵欲短守國之兵欲長攻國之人眾行地遠食飲飢且涉山林之阻是故兵欲短守國之人寡食飲飽行地不遠且不涉山林

之阻是故兵欲長言罷臧宜短兵壯健宜長兵凡兵句兵欲無彈刺兵欲無萌是

故句兵裨刺兵搏句兵戈戟屬刺兵矛屬故書彈或作但萌或作綃鄭司農云但讀為彈丸之彈彈謂掉也綃讀為惰邑之惰惰謂撓也裨讀為鼓聲同強舉圍欲重重欲傳人傳人則密是故侵之改句言般容受無刃同強上下同也舉謂手所

操鄭司農云校讀為絞而婉之絞重欲傳人謂矛柄之大者在人手中者侵之能敵也立謂校疾也傳近也密審也正也人手操紕以輟則疾操重以刺則正然則為矜句兵堅者在後者在前凡為及五分其長以其一為之被而圍之參分其圍去一以為

晉圍五分其晉圍去一以為首圍凡為首牙參分其長二在前一
在後而圍之五分其圍去一以為晉圍參分其晉圍去一以為刺圍

彼把中也圍之圍之也大小夫間凡矜八觚鄭司農云晉謂牙戟下銅縛也刺謂牙刃骨也
玄謂晉讀如王指大圭之指矜所捷也首牙上鐔也為戈戟之矜所圍如足夷牙如首牙

九試廬事置而搖之以眠其蛸也灸諸牆以眠其撓之均也橫而
搖之以眠其勁也置猶樹也灸猶柱也以柱兩牆之間六建既備車不及覆

謂之國工六建五兵與人也

匠人建國立王國若邦國者水地以縣於四角立植而縣以水望其高置槷以縣眠

以景故書槷或作弋杜子春云槷當為弋讀為杖玄謂槷古文景假借字於所平之地中

者謂之為規識日出之景與日入之景日出日入之景其端則東西正也又為規

星以正朝夕也日中之景最短者也極星謂北辰

匠人營國方九里旁二門營謂丈尺其大小天子十二門通十二子國中九經九緯經涂九

軌國中城內也經緯謂涂也經緯之涂皆寬九軌軌謂轍廣乘車六尺六寸旁加七寸凡

十半縷三分寸之二金左祖右社面朝後市王宮所居也祖宗廟面猶市朝一

夫方各夏后氏世室堂脩二十廣四脩一世室者宗廟也魯廟有世室性有

也夏度以步今堂脩十四步其廣益以四分脩之一則堂廣十七步半五室三四步四三尺堂上為五室象五行也三

廣也木室於東北火室於東南金室於西南水室於西北其方皆三步其廣益之九階南

以三尺土室於中央方四步其廣益之以四尺此五室居堂南北六丈東西七丈南

三三面四旁兩夾窻窻助戶為明每白盛屋灰也盛之言成也以屋門堂三之

二門堂門側之堂取數於正堂令堂如上制則門堂南北室三之一兩室與門凡

重屋堂脩七尋堂崇三尺四阿重屋重屋者王宮正堂若大寢也其脩七

丈二尺也五室各二尋崇高也周人明堂度九尺之筵東西九筵南北七筵

堂崇一筵五室凡室二筵明堂者明政教之堂周度以筵亦王者相改周堂高九

之堂與此三者或舉宗廟或舉王室中度以凡堂上度以筵宮中度以尋野

度以步涂度以軌周文者各因物宜為之廟門容大局七個大局牛鼎之局

一個七個闡門容小局參个廟中之門曰闡小局脚鼎路門不容乘車之

五個路門者大寢之門乘車廣六尺六寸五個應門正門謂之應門謂朝門也

內有九室九嬪居之外有九室九卿朝焉內路寢之裏也外路門之表也九室如今朝堂諸曹治事處九嬪掌婦學之法以教九卿九分其國以為九分九卿治之九分其國分國之職也三公論道六卿治六官之

屬王宮門阿之制五雉宮隅之制七雉城隅之制九雉阿棟也宮隅城雉長丈高五廣經涂九軌環涂七軌野涂五軌廣狹之差也故書環或作環杜子春云當為環環涂謂以高度廣以廣經涂九軌環涂七軌野涂五軌

環城門阿之制以為都城之制都四百里外距五百里王子弟所封其城隅高五丈宮隅門阿皆三丈以為諸侯之城制諸侯畿以外也其城隅制高七丈宮隅門阿皆五丈禮器曰天子諸侯臺門環涂以為諸侯經

涂野涂以為都經涂經亦謂城中道諸侯環涂五軌其野涂及都環涂野涂皆三軌匠人為溝洫王通利田耜廣五寸二耜為耦一耦之伐廣尺深尺謂

之田田首倍之廣二尺深二尺謂之遂古者耜一金兩人併發之其龍中曰之耜岐頭兩金象古之耦也田一夫之所佃九夫為井井間廣四尺深四尺謂

之溝方十里為成成間廣八尺深八尺謂之洫方百里為同同間廣二尋深二仞謂之澮此畿內采地之制九夫為井井者方一里九夫所治之一井之中三屋九夫三三相具以出賦稅共治溝也方十里為成成中容一甸甸方八里出田稅緣邊一里治洫方百里為同同中容四都六十四成方八十里出田稅緣邊十里治澮

采地者在三百里四百里五百里之中載師職曰園廛二十而一近郊什一遠郊二十而三甸稍縣都皆無過土謂田稅也皆就夫稅之輕近重遠耳滕文公問為國於孟子孟子曰夏

後氏五十而貢殷人七十而助周人百畝而徹其實皆十一徹者徹也助者藉也龍子曰治地莫善於勸莫不善於貢貢者校數歲之中以為常文公又問井田孟子曰請野九一而勸

國中什一使自賦卿以下必有圭田圭田五十畝餘夫二十五畝死徙無出鄉鄉田同井出入相友守望相助疾病相扶持則百姓親睦方里而井九百畝其中為公田八家皆私百畝

同養公田公事畢然後治私事所以別野人也又曰詩云雨我公田遂及我私惟助為有公田由此觀之雖同亦勸也魯哀公問於有若曰年饑用不足如之何有若對曰盍徹與曰二

吾猶不足如之何其徹也春秋宣十五年秋初稅畝傳曰非禮也穀出不過藉以豐財也此數者世人謂之錯而疑焉以載師職及司馬法論之周制畿內用夏之貢法稅夫無公曰以

詩春秋論語孟子論之周制邦國用殷之勸法制公田不稅夫貢者自治其所受田貢其稅穀勸者借民之力以治公田又使收斂焉畿內用貢法去鄉遠及公邑之吏旦夕從民事為

其促之以公使不得恤其私邦國用勸法者諸侯專一國之政為其貪暴稅民無藝周之畿內稅有輕重諸侯謂之徹者通其率以什一為正孟子云野九夫而稅一國中什一是一邦國

亦異外內之法耳圭之言圭繫也周謂之士田鄭專達於川各載其名達猶至也謂澮直至於川復無所注入載凡天下之地勢兩山之間必有川焉大川之上必有

其名者識水所從也其名者識水所從也凡溝逆地防謂之不行水屬不理孫謂之不行溝謂造溝防塗焉通其壅塞凡溝逆地防謂之不行水屬不理孫謂之不行謂脈理屬讀

為注孫順也不行謂波溢也禹鑿龍門播九河為此逆防與不理孫也稍溝三十里而廣倍凡行奠水磬折以參伍坎為弓輪水行欲紆曲也鄭司農云

蚺蚺謂水漱齧之溝故三十里而廣倍凡行奠水磬折以參伍莫讀為停謂行停水溝形當如磬直

行三折行五以欲為淵則句於矩大曲則流轉流凡溝必因水勢防必因地

引水者疾焉欲為淵則句於矩大曲則流轉流凡溝必因水勢防必因地

執善溝者水漱之善防者水淫之漱猶澗也鄭司農云淫讀為厭謂水於泥土留者助之為厚玄謂淫讀為淫液之淫

凡為防廣與崇方其稠參分去一崇高也方猶等也稠者薄其上大防外稠又薄其上凡

溝防必一日先深之以為式程人功也溝防為溝為防也里為式然後可以傳眾力

里讀為已聲之誤也凡任索約大汲其版謂之無任故書汲作沒杜子春云當為汲玄謂約縮也汲引也築防若牆者以繩縮其版

大引之言版撓也版撓築之則鼓土不堅矣詩云其繩則直縮版以載又曰約之格格椽之棗棗葺屋參分瓦屋四分各分其脩

峻困窮倉城逆牆六分逆猶卻也築此四者六分其高卻堂涂十有二分

謂階前若今令甃甃也分其督旁之脩以一分為峻也爾雅曰塗涂謂之陳實其崇三尺宮中水道牆厚三尺崇三之

高厚以是為率足以相勝

車人之事半矩謂之宣矩法也所法者人也人長八尺而大節三頭也腹也脛也宣有半謂之櫛櫛劉斤柄長二尺爾一櫛

有半謂之柯代木之柯柄長三尺詩云伐柯伐柯其則不遠鄭司農云蒼頡篇有柯櫛一柯有半謂之磬折折以下

四尺五寸磬折立則上俛玉藻曰三分帶下紳居二焉紳長三尺

車人為耒庇長尺有一寸中直者二尺有三寸上句者二尺有二寸

寸鄭司農云耒謂耒末庇讀為其類有庇之庇謂耒下岐玄謂庇讀為棘刺之刺耒末下前曲接耒自其庇緣其外以至於首

以弦其內六尺有六寸與步相中也綠外六尺有六寸內弦六尺應一步之尺數耕者以田器為度宜耜異材不在數中

堅地欲直庇柔地欲句庇直庇則利推句庇則利發倨句磬折謂

之中地中地之柔其庇與直者如磬折則調矣調則弦六尺

車人為車柯長二尺博三寸厚一寸有半五分其長以其一為之

首首六十寸謂今剛關頭斧柯其柄也鄭司農云柯長三尺謂斧柯因以為度轂長半柯其圍一柯有半大車轂徑輻

長一柯有半其博三寸厚三之一輻厚一寸也故書博或作搏杜子春云當為博渠三柯者三

轂則安澤泥苦其大安山險苦其大動行澤者反輶行山者仄輶反輶則易仄輶則

宇故書仄為側鄭司農云反輶謂輪輶反其木裏需者在外澤地多泥柔也側當為仄山地剛多沙石玄謂反輶為泥之黏欲得心在外滑反輶為沙石破碎之欲得表裏相依

堅六分其輪崇以其一為之牙圍輪高輪徑也牙圍尺五寸柏車轂長一柯其圍二

柯其輻一柯其渠二柯者三五分其輪崇以其一為之牙圍柏車山車輪高

六尺牙圍大車崇三柯綆寸牝服二柯有參分柯之二大車平地載任之車轂半柯者也

尺二十

大車崇三柯綆寸牝服二柯有參分柯之二

車轂半柯者也

繩輪車壯服長八尺謂較也鄭羊車二柯有參分柯之一鄭司農云一車謂車羊

司農云壯服謂車箱服讀為負較長七尺較六尺也柏車輪崇六尺其綬大半寸凡為轅三其輪崇參分其

長二在前一在後以鑿其鉤微廣六尺高長六尺鄭司農云鉤鉤心兩謂轅端厭牛領者

弓人為弓取六材必以其時取幹以冬取角以秋絲漆以夏筋膠未聞六材既聚巧者和之猶

也幹也者以為遠也角也者以為疾也筋也者以為深也膠也者

以為和也絲也者以為固也漆也者以為受霜露也六材之力凡取相得而足

幹之道七柘為上楨次之屨桑次之橘次之木瓜次之荆次之竹為

下鄭司農云楨讀為億萬之億爾雅曰杜櫨又曰屨桑山奈國語曰屨孤箕籜凡相幹欲赤黑而陽聲赤黑則鄉

心陽聲則遠根陽猶清也木之類近根者故凡析幹射遠者用執射深者用直鄭司農云

執謂形執假令木性自由則當反其曲以為弓故曰審曲居幹之道苗栗不迪則

弓不發鄭司農云苗讀為不苗而雷之苗栗讀為榛栗之栗謂以鋸副析幹也讀為倚移從風之移謂邪行絕理者弓發之所從起立謂栗讀為裂繡之裂凡

相角秋綢者厚春綢者薄穉牛之角直而澤老牛之角終而

昔鄭司農云終讀為抄終之抄昔讀為交錯之錯謂牛角棟理錯也立謂昔讀履錯然之錯疥疾險中牛有久病則角裏傷疥牛之角

無澤少潤角欲青白而豐末豐大也夫角之本覺於剗而休於氣

是故柔柔故欲其執也白也者執之徵也感近也休讀為煦鄭司農云欲其形之自由反以為弓立謂色

白則夫角之中恒當弓之畏畏也者必撓撓故欲其堅也青也者堅

之徵也故書畏或作威杜子春云當為威威謂弓淵角之中與淵相當立謂畏讀如秦師入隈之隈夫角之末遠於剗而不

休於氣是故脆脆故欲其柔也豐末也者柔之徵也末之大者剗氣及煦之角

長二尺有五寸二色不失理謂之牛戴牛三色本白中青末豐鄭司農云牛戴牛角直一牛凡

相膠欲朱色而昔昔也者深瑕而澤終而搏廉搏團也廉瑕嚴利也鹿膠青

白馬膠赤白牛膠火赤鼠膠黑魚膠餌犀膠黃皆謂者用其皮或用角餌色如餌凡

昵之類不能方鄭司農云謂膠善及故書昵或作穢杜子春云穢讀為不義不昵之昵或為黍黏也立謂穢脂膏臍敗之臍脂亦黏也凡相筋

欲小簡而長大結而澤小簡而長大結而澤則其為獸必剗以

為弓則豈異於其獸剗疾也鄭司農云簡讀為擗然登脾之擗立謂讀如簡札之簡謂筋條也筋欲敝之敝鄭司農云

漆欲測鄭司農云測讀為惻隱之惻立謂測讀如測度之測測猶清也絲欲沈如在水得此六材之全

然後可以為良全無瑕病良善也凡為弓冬析幹而春液角夏治筋秋合

三材三材膠絲漆鄭司寒莫體莫讀為定至冬膠堅冰析灑大寒中一於冬析

幹則易理滑致春液角則合合讀夏治筋則不煩煩秋合三材則合合

也密寒莫體則張不流流猶移也冰析灑則審環審猶定也春被弦則一年之事

可用基歲乃析幹必倫順其理也折角無邪亦正斲目必茶鄭司農云茶讀為舒

斲目不茶則及其大脩也筋代之受病脩猶以也夫目也者必強強者在

內而摩其筋夫筋之所由憺恒由此作摩猶隱也故書筋或作勤鄭司農云當

故角三液而幹再液重醱治之使相稱厚其帑則木堅薄其帑則需需謂不充滿

不皆約約謂有衣絮之絮絮謂弓中裨是故厚其液而節其帑厚猶多也節猶適也約之不皆約疏數必

侔不皆約則弓裨侔猶均也斲擊必中膠之必均擊之言致也斲擊不中膠之

不均則及其大脩也角代之受病夫懷膠於內而摩其角夫角之所

由挫恒由此作角斲折也凡居角長者以次需當弓之隈也長短各稱其幹短者居蕭恒角而

是謂逆撓引之則縱釋之則不校鄭司農云恒讀為繫紉之紉玄謂恒讀為

不用力若欲反撓然校疾也恒角而達譬如終紉非弓之利也達謂長於淵幹若

角過淵接則送矢不疾若見紉於數矣弓今夫艾解中有變焉故校鄭司農云艾

之數艾謂弓彘也校讀為紉而婉之紉玄謂艾讀如齊人名於挺臂中有拊焉故剝

拊直也拊側骨剝亦疾也鄭恒角而達引如終紉非弓之利重明達角之不利

橋幹欲孰於火而無言羸橋角欲孰於火而無燂引筋欲盡而無傷其

力鬻膠欲孰而水火相得然則居旱亦不動居濕亦不動羸過熟也燂

者謂弓也故書燂或作恒角而達引如終紉非弓之利重明達角之不利

者在內雖善於外必動於內雖善亦弗可以為良矣苟愉也濕凡為弓

方其峻而高其拊長其畏而薄其敝宛之無已應宛謂引之也引之不

需也峻謂蕭也鄭司農云敝讀為蔽寒之蔽謂弓人所握持者下拊之弓末應將興末猶蕭也興猶動也發也為

拊而發必動於綱綱接弓而羽綱末應將發羽讀為信信緩也接中動則

弓有六材焉維幹強之張如流水無難維體防之引之中參體謂內之

其體防深淺所止謂體定張維用定之欲宛而無負弦引之如環釋之無

失體如環易鄭司農云定讀如掌距之掌車掌之掌材美工巧為之時謂之

參均角不勝幹幹不勝筋謂之參均量其力有三均均者三謂之九

和有三讀為又參量其力又參均者謂若幹勝一石加角而勝二石被筋而勝三石引之中
或作稱鄭司農云當言稱謂
之不一參均立謂不勝無負也九和之弓用與幹權筋三倅膠三錡絲二邱漆

三料上工以有餘下工以不足權平也倅猶等也角幹既平筋三而一為天子
與角幹等也錡鏤也邱輕重未聞為天子

之弓合九而成規為諸侯之弓合七而成規大夫之弓合五而成規
士之弓合三而成規
材良則弓長六尺有六寸謂之上制上士服之弓
曰少也

長六尺有三寸謂之中制中士服之弓長六尺謂之下制下士服之
人各以其形貌
大小服此弓凡為弓各因其君之躬志慮血氣又隨其人
之情性豐肉而短寬緩

以為榮若昂者為之危弓危弓為之安矢骨直以立忿執以奔若昂者
為之安弓安弓為之危矢若損贏濟不足危奔猶疾也骨直謂強毅
茶古文舒假借字鄭司農云茶讀為舒其人安其

弓安其矢安則莫能以速中且不深故書速或作數鄭司農云字從速疾也
三舒不能疾而中言矢行短也中又不能深

其人危其弓危其矢危則莫能以愿中愿慤也三疾不能慤而中
言矢行長也長謂過去往體

多來體寡謂之夾吏之屬利射侯與弋射遠者用執夾使之弓合五而成規侯
非必遠顧執弓者材必薄薄則弱弱則往

體來體若一謂之唐弓之屬利射深射深用直唐弓合七而成規大弓
亦然春秋傳曰盜竊寶玉大弓大和

無灑其次筋角皆有灑而深其次有灑而疏其次角無灑大和尤良者
也深謂灑在

中央兩邊無也
角無灑謂隈裏合灑若背手文弓表裏灑合處若人合手背文
相應鄭司農云如人手背文理角環灑牛筋黃


灑順左右隈
上再下一覆之而角至謂之句弓句於三體皆散惡不用之弓也覆猶察也謂用
射而察之至猶善也但角善則矢雖疾而不能遠覆

之而幹至謂之侯弓射侯之弓也幹又
善則矢疾而遠覆之而筋至謂之深弓射深之弓也
筋又善則矢

周禮卷第十二



秘刊唐
奉議宅



周禮



海源閣楊氏藏宋本四經四史因以名齋此其一也四經之毛詩固殘缺不完儀禮亦實非宋刻惟禮記與此本允稱鴻寶禮記尚有張氏摹刻盛行於世此則鄭氏單注完快僅傳且為黃顧諸老所未見真希世秘笈矣 耕後近年所收楊氏宋本甲觀於集部則有閻：王摩詰子部則有莊子莊子全解新序史部則有晉書今更冠以此經四部菁華萃於一室何啻王侯宜其不恆為之舉債而償重價也此本舊傳北宋刻然書中慎字固缺華各頁字體刀法間微有剛柔方圓之異或北宋刻而南宋補耶第八卷末有關佚原裝附畫闌空紙三頁 耕後屬為據文祿堂新印景宋建本補完約略依本書行款字數寫之適滿一頁卷尾應著周禮卷第八一行本書是否別作一頁或有經注字數有不記皆不可知姑從闕疑今夏文祿堂景印宋建本周禮度樓作跋嘗屬余代寫度樓跋中方致歎海源閣裝本全快今不知誰屬豈意即在眼前相隔不過三月余竟獲親見且為鈔補舊闕眼福墨緣快事何如甲戌中秋桐鄉勞健為文識於唐山





圖書在版編目(CIP)數據

周禮〔漢〕鄭玄注.—北京:北京圖書館出版社,2003.12
(中華再造善本)

ISBN 7-5013-2263-5

I. 周… II. 鄭… III. ①禮儀—中國—周代②官制—
中國—周代 IV. K224.06

中國版本圖書館CIP數據核字(2003)第067248號

ISBN 7-5013-2263-5



9 787501 322633 >

書名 周禮(全三冊)
著者 〔漢〕鄭玄注

出版 北京圖書館出版社(100034北京市西城區文津街七號)
發行 Tel:(010)66151313 Fax:(010)66174391

E-mail: Btstxb@publicf.nlc.gov.cn

Website: www.nlcpress.com

印刷 北京文津閣印務有限公司

開本 八

印張 四〇·二五

版次 二〇〇三年十二月第一版第一次印刷

印數 一—二〇〇〇

書號 ISBN 7-5013-2263-5/K·628

定價 一二九〇圓

